

**Archief Nassause Domeinraad**

# Hofboek Bredevoort 1506-1596

## Akten en notities

Bewerking en transcriptie: Henk Ruessink  
Digitale fotografie: Yvette Hoitink  
Vindplaats: Gelders Archief, Arnhem  
Archief Nassause Domeinen (toegang 0357)  
Inv.nr. 13B - Hofboek Bredevoort 1506-1596  
Publicatie: <http://www.heerlijkhedbredevoort.nl>

## Hofboek 1506-1596 acten en notities.

### Opm.

Van de notities zijn de huwelijksnotities en de overlijdens-mededelingen niet opgenomen, omdat die voldoende blijken uit de index. HR.

### **pag. 3 – Hoffrecht**

Item to wetten dat itlike hoirhaftige luede moeten des jaers eijns komen nemptlicken upp den XII. Apostelldach die in den kerspell van Wenterswijk wonnen plegen t'kommen an des Rosenboom und presenteren sick so dörven zie nicht geven der herlicheit dan den scriver die zie inscriefft hefft van itlicken een placken:  
Isset sake dat sick welk versumede, und sick nicht presenterden, und dan bynnen jaers storve, den sal men erffdelen, gelijk off hie egen were anders wanner eijn hoffhorich mensch stervet, dan nijmpt men anders nicht dan alle veerbeenden guet halff.

Item de Hoffhorige lueden in den kerspel van Alten wonnenden und in den hoff te Ahave horen, komen ouck up den selftsen dach ter selven steden.

Item to gedencken dat een deel der frijen horen in den Hoff te Ahave und en dell hofflueden die in Wenterswijk wonnen horen ouck wal inden hoff ten Ahave und so dergelyken wedderum, want sulx wall

**pag. 4 – vermits hiliken tokumpt.** Item die Tegeners in den Hoff to Miste horen, dat zundt Rauwert und Meijgert, off der welijck kranck waren, mogen sie dan wedder in die stede nemen Willinck off Onnekijnck.

Item die in Aelten horen voir Tegeders sindt Sculte ten Ahave und Sculte ten Bornijnckhave.

### **pag. 7 –** Item ordell gevraghet, und avermijtz Tegeders und gemenen hoeffluden vor recht gewesen..

Item offte ongebonden en lopende personen sijch uthijlkeden und nicht en gebrukeden des haves wat sije des hern plichtich waren, gewijset uit : dat de mans personen den gemelten heren schuldich ijs een punt pepers und de vrouwen personen een punt wasses und den ambtman sijn lersen.

### **pag. 8- Ordell.**

Item noch ein ordell: de ghene sijch veranderen und blijven op den goede sullen doen als vors. und bekennen den hern und den Ambtman allent, doch mijt wijllen des Heren.

Ordell.

Item noch ein ordell offte een hoeffman verstorve ofte de heer oick erffdeijlen solde harnsch und (s)wert des verstorven hoeffmans, wes dair recht om wer, bestadet an Hermen Roerdijnck, und wijsede van recht, dat die herren sulcken harnsch und gewer niet erffdelen dan bij den have laten sal.

Item tho gedencken den concordijen tuschen Johan Smedijnck und Herman Stoteler.

N: Item Arnd ten Loe hevet gerechtliken uitgegaen sijnen sonnen Arnd ten Loe eijnen kavenstede.

Item soe Mette Huenijnck hermen ten Honnepe oren broeder gepandet hadde voir oirs kijndes deijll van der honnepe also ijs avermijts den gemeijnen hoeffluden van recht gewijset, se sall hermen erst vertijchenisse en oplatinge doen, eer sije de panden slijten salle.

Ordell.

Item noch eijns rechten ordels gevraget avermijtz hermen Hogerijnck van wegen mijns gen. Joncherrn offte emet man oder vrouwe gehorich in den haven to Mijste und ten Ahave op dach vors. in personen niet en quemen, noch sijch dede vernoetschinigen und beschreven, wes sije mijns gen. Joncheren gebrockt hadden, bestadet an Hermen Roerdijnck de daer mijt den gemeijnen hoeffluden van recht wijsede, wert sake dat emant niet en quem, noch dede vernoetschinigen, storve hij bijnnen jaers, solle om de heer voir een eghen persoon erffdelichen.

### **pag. 9 – Anno Domini N<sup>o</sup> Septimo.**

Gericht geholden tot Rosenhuijs ipso die divisionis Apostolorum na haves recht. Richter Evert van Lijntel Koirnothen Hermen Roerdinck Dirck Mijrdinck.

Item Kersken Mijrdinck hefft gehilicket uiter echte und sal geven mijn gen. Jonchern een punt pepers und hefft sijn recht verwart.

Item Derck Wonnijnck is woenachtich bij Loechem und buerscap toe Swijpen omme dair na tho vernemen offte hij doet is dan niet.

Item Hermen Hoijer gevraget een recht ordell van wegen mijns gen. Jonchern offte dair ijmant were die huijden tho dage hair hoffrecht niet en bewarden, wat zij mijn gen. Jonchern dair an broken, dairop wijsede die Tegelers (lees: Tegeders) voir recht.

Item dijse nabeschreven sijnnen erschenen opt dijss dach und hebben hair recht verwairt als zich des geboirt.

### **pag. 12- Gericht geholden tot Rosenhuijs na Hoffrecht in die Divisionis Apostolorum. Richter Evert van Lijntell Koirnothen Hermen Roerdinck und Dirck Mijrdinck. Anno Dni (XV<sup>C</sup>).Octavo.**

Ordell.

Item ein recht ordell gevraget offte een man gehilickt wer an een vri wijff buijten sijnen hern und dan toe bijnnen jaers und en brachte geen schijn, off den man veregent wesen solde oder niet. dairop begerde Roert van recht, dat men hem gönnen willen hairrecht tho halen, dar sie alsulx mijt recht behort.

Ordell.

Item die saeke van den ijmmen tho deijlen is mede gewiset und aldaer tho vernemmen woir men die mede deijlen solde oder nijet hair standen in den Vars let dair mede opgenomen.

Ordell.

Item een recht ordell gevraget offte een moder twe kijnderen voirt brachte und die dede dopen und dan die vrie willen to Rede und die kinderen selffs nijet en soekede woir dat eene kint nijet vri wesen solde oder nijet, und at leste solde blijven bij den have, gewijsset mede tho halen tho Loen als zich dat nae haves recht behoert (in marge N:)

Item Bernt Roeselinck hefft gerechtliken na haves recht uitgegaen und opgedragen sijn soens wijffs henrick mijt oeren kinderen alsodane guet und hoff geheten Roeselinck und plech hijr bevoirmaels tho horen mijn vrouwe van Vreen und is gewisselt uiten hoff tho Raetman.

Item Bernt Roeselinck und henrick sijn Dochter.

**pag.13** – Item die Tegelers (lees: Tegeders) hebben gewiset dat zie nijet gewiset hebben, dat mijn gemelter Jonchern dit jair nijet vervallen en is in den Hoff tho Mijste.

Ordell.

Item een recht ordel gevraget woe een man nijet schuldich en is sijn hoffrecht selffs tho verwaren oder nijet, dairop wijsede Roert voir recht dat een ijder man sijn hoff selffs verwaren sall then sij mijt wille sijns heren off groite treffeliche noitsaeken.

Item Johan tho Boemfelt und Henr. sijn broder

Item noch Mette tho Holthuis hair hoffrecht verwairt

Item Herman ten honnepe hefft uitgegawen een molder saets lant nementlich twe stucken lands mette ten honnepe sijn suster und herman offte sijn erven mach lossen tot allen tijden dit lant vurschreven mijt thijn gl. twe hornschen gl. von den guldens des sal Mette herman geven eer zie dat lant antastede ii hornschen gl und eenen hornschen gl. tot behoeff der dengsluijden.

~~Item die saeke tuijsschen Johan Oenijncijnck und Mijrt Bruijnck hebben die hoffluijden geschickt an Johans vader und an die hilixluijden die dair bij an und over gewest sijnt~~

**pag. 15** – Item een Hoffgericht geholden tot Rosenhuijs ipso die Divisionis Apostolorum. Richter Evert van Lijntell Gerichtsluijden und Hoffluijden Gerit Roirdinck und Derick Mijrdinck. Anno Dni N.Nono.

Ordell.

Item een recht ordel gevraget offte een hoffman offte een hoffwijff die een lopen sijnnen zich verhilickt hedden buijten hern ofte Drosten oder schulten, wair mede hij verfallen solde wesen mijn genedige Jonchern. Bestait an Gerit Roirdinck die daerop wijsede Gerit Roirdinck voir recht.

Item Lijse ten Kreijll verhilickt an Egbert Tesijnck und sal mijn gen. Jonchern geven 1 £ wasses. solvit was.

Item Wilhem Wever verstorven und is verhilickt.

Item die vrouwe to Mijrdinck is verstorven.

Item Johan Garwert gehilicket mijt wille des amptmans.

Item een recht ordel gevraget offte een hoffman offte een hoffwijff sich verhilicke an een eijgen man offte een eijgen wijff hilicke, so wes die mijn gen. Jonchern dair an gebroken hebben, bestait an Derick Mijrdinck.

**pag. 16**-Item weert saeke offte ijmant weer die verhilick weer und den hern sijnen peper offte an den was nijet betaeld, so wes hij dair an gebroken hebn, dairop wijsede Derick Mijrdinck voir recht dat dieselve mijn Joncheren verfallen solden wesen mijt 1 bien.

**pag. 17**- Item een recht ordell gevraget offte een hoffmagen were, die uiten have uit gelaven were und hair nijet gewiest were, offte die magen oick een hoffmagen were, bestait an Dirick Mijrdinck die dairop gewijst hevet, na haves recht, dat hair dair uitgelaeft were dat sal men hair geven.

**pag. 18** – Item Johan Verdebretincks soenen gehilickt opt holthuis und sal mijn gen. lieven Joncheren geven 1 £ pepers und paar leerss. id. solvit est

**pag. 19** – Item een Ordell gevragt offte een man buijten landes were und sijn hoffrecht nijet en bewairden offte hij oick vereijghende sal wesen oder nijet, dairop wijsede Roert voir recht weert sake die man drie Jaren versumet hedde sijn hoffrecht so sal hij vereijgent wesen und voirt so hoirt dair tho op genaden.

Ordel.

Item een recht ordell gevraget offte een man sijn soene settede op sijn guet und die vader off toige up een kavenstede, woir hij daer mede tho vreden wesen solde oder nijet, darop wijsede Derick Mijrdinck voor recht, weert sake die huisher opt een lijftuijcht sete dair sal hij mede tho vreden wesen, dan geschujde sulx nijet, so mach die huijsher van den ganssen guede die negende garve nemen.

Item een recht ordell offte een man eens twije van den have geguet were, und dair op een ander gehilickt were, offte die voir soene dair naeder hant dair enige ansprak hebben

**pag. 20** – und holden sal oder nijet. daerop wijseden die Tegelers (lees: Tegeders) voir recht dat die soene an den guede ghien to seggen op hebben sal dan wil hem die huisher eedt geven dat mach duen oder nijet.

Item Hoenenboem verhilicket an vrou to Oenijnkijnck und sal mijn gen. lieven Jonchern geven 1 £ pepers dem Drosten 1 paar leerss. id solvit est.

**pag. 21** – Item een ordel gevraget ofte die Tegeders indt hoffrecht nijcht des ghennen inbrechten dat sij schuldich sijnt in to brenghen wes sije den hern dair annen gebroket hebben, bestadet an Gert ten Bornijnckhave die wijsede voir recht sije stonden an des hern.

Item Berthe op Garwerdinck een dochter van Gesijnck gijfft over all oir guet bij allsulcken vorwarden, dat sije die moder besorgen sullen oir leven lanck die oldesten Johan Garwerdinck, Koepe, Gert, Gese und Lijse.

Item een ordel offte een man ofte wijff hoffhorich sijnen kijnderen oick hoffhorich mach overgeven sijn guet den kijnderen buthen consent des hern gewijset voir recht dat sij sulx mogen doen mijt consent des amptmans.

**pag. 30** – Item gesant na Koesvelt II averl. rinsche gl. 1 gl. und 1 Sch. gl. 1 diment gl. III phs gl. 1 hoernsch gl. 1 luijcker gl.

Item Mette Wolterdinck een hoffwijff in den hoff then Ahave hevet sich vrij gekofft vor II vat boteren und I virdel und den Drosten sijn gerechticheit. borghe Schulten te Ahave und Evert ten Ahave.

**pag. 34** – Item dije gebreken und schellingen tuijschen harmen ten honnepe und Henr. Bennijnck wesend alss van den erfetaill sije omme twisten, hebben dije hofflude gewesen dat harmen ten honnepe soll erst vor hen sijnre suster bruijtschath offte penningen erst gelavet mijt to geven, uijtrijchten und betalen und spreken dan omme sijn andeell.

(Hoffdach 1618) Item eijn ordell gefraget Esselen nadenmaill desse placken thans nirgent gelden wijlen waijr mijth men den schrijver betalen soll off dije werde van den placken verguijden soll, bestadet an Rort, wiss darup daijr men onder und baven betalen mach soll hije boren und mijt betalt sijn.

**pag. 37** – Item eijn ordell gefraget offt eijn hoffman were dije eijn voijkint hedde und nigt echte en were, und dairae een ander echte kijndt kreig dije beiide hoffhorich weren oft dat vorkijnt des guijdes geneijten soll offte nijet, bestadet an Rort dije darup sich beroede und belerde, woe daijr een hijlixforwarde vorhin off gemaket und gehandelt daijr guede lude aver und an gewest sijnt, dije dat vor den Drosten mogen uitspreken.

**pag. 42** – Item Bathe then Gantenfort een ordell lathen vragen nadenmale oijr van oren guijde thot twen guijdes uth oft sije dan ock roggen geneten und dar uijt heben soll, bestadet an Bernt Rort, dije darup wijsede mijtten gansen Hoffluijden naden oijr thot twen guijdes uth gegeven und gelavet, soll man oijr oik na den Ianrechte uthrijchten und geven den roggen nemptlichen II. molt roggen then were dan dat daijr anders betalt und vorbescheiden were, dat doch tuijschen beiiden an dije Overluijde beiider deelen gestelt und begeven worden ijs.

**pag. 51** – (1524) – Item Esselen Snabben een ordell gefraget off een hoffman oft hoffwijff verstorve na den wijlle Gots waijr tho dije hoffschulte ofte Amptman dess hern verkurt und gerechtiget sijn soll, bestadet an gemeijnen tegeders dije des nijet wijss genoch en sijnt doch wijllen en sullen Mijrt und Rort dat halen ther steden daijr sich dat behoren soll thot behoff der gemeijnen hoffluijden.

Item gebreken und schellijngen tuijschen Derrick Hunijnck und Wijlhem to Buckell als van eijnen schulden breve sprekend up een stucke lants uth Hunijnck hir bevorens versath ijs, ijss dije saeke gestelt an den Drosten, doch sal Wijlhem vors. bei den lande na vermogen sijnre breve blijven hent thor tijt hije mijt recht daijr utgesath ijs.

**pag. 65** – (1529) Die hoffsculte een ordell gevraeghet off emente van den hofflueden nijet en quamen bij dessen sittenden gerichte ende sich leten tekenen wat deselven gebrockt hadden, dat ordell bestadet an Storjs then Bornijnckhave die sich metten tegeders en ander hoffluden beraden nae ghewesen ende gesacht voir recht, die hoffluden woe vurs, nijet en quemen ende sich bij dessen sittenden gherichte leten tekenen, die sullen den hern belmondich verfallen sijn.

**pag. 83** – (1531) ) Die hoffsculte een ordell gheffraeghet off sich een eghen horich man in den hoff 't Hoff 't Miste off Ahoff horende nijet toenden ende scriiven leeten wair mede hij denn hern solde verfallen sijn.

Is gewijset durch Dirck Mijrdinck all deghene die horich sijnnen woe vurckende bijnnen landes bijnnen, die sich nijet getoent ende laten tekennen hebben, sullen veregent sijn, dan dije bueten landes sijnen sullen geneten dre jaeren eer sij vereigent.

**pag. 106** – (1535) Die Richter eijn ordell gefraget off het saecke were twe hofflude in de echte leveden ende orer enen afflisch worde ende de ander sich wederom veranderde in de echte off alsdan mijnen g.h. ende hoffschulden ijlick hoir rechticheit niet plichtich were gelijck offt die erste echte ende hijlick gescheiden. Bestadet an Gert Roirdinck die durch belerunghen der anderen hoffluden wijset ende secht, de levendijke persone soll met enen gewonnen hoffrechte affsijn, dan de dair wederom an hijlickt soll sijn hoffrecht wijnnen ende doen alst behort nae hoves rechte.

**pag. 108-** Ahoff Aº XX (=1520)

Wessel then Horne betalt peper xvi pond und lersen

Aº XXI op dach Divisionis Aplorum

It Herbert to Holthuijs maegt to Hijginck oir hoffrecht nijet verwaert gewijset Bernt Mijrt up genaden des herrn It Egbert ten Kreijll wonende up dessen guijt sal in XIIIII daeghen komen und betalen sijn gerechticheit bij de Joncher und Drosten und sich dan ingeliveren lathen nae haves rechte hort in den hoff to Mijste. lijse sijn huijsfrouwe.

It Nale ten culve gehijlickt bijnnen Bocholt staet tot bewijsnisse und vragen off sije in echte staat sijnt.

Hoffgerichte Tegeder Tegeders hoff

It Gebele wijll in XIIIII scheijden van den Drosten, sijn wijff peper ende wass. Solvit peper und wass

It Aº XXII Nale ten Wijnckell gehillickt ongescheiden.

It Aº XXIII. herbert to Holthusen betalt 1 £ pepers

Henricus Vaget, Henricus, Willem Portener, Kerstgen Wijbbolt, Bernt van Mijste, Dexx ten hurne, Egbert Elkijnck, Tebbe Smorckens, Gerbelt Smijt, Johann Gelijnck, Hermen Weert, Herman Stoteler, Bernt Bolijnck, Dirck Meerden, Schulte ten Ahave, Roert, Schulte Buckel, Essel Snaben Smedijnck

It Roerdinck den schadeloiss brief 't maeken

It dije Gijldemesters uthn Wolde hebben benompt

It Kaeten benompt

It Raetman benompt

It Huppel Henxsell und Raetman

**pag 109 -** Hoffgueder in den Kerspell van Aelten

**pag 111 –** Ahoff in ghebruck en noch van Tijns

Twe kempe noch de meijersche in gebrick hefft, de ene genandt dat blick de anderde dat berchstucke ende hues en gorden ende noch enen gorden guert krallen hefft III. h(ornsche).g(uldens). s'jaers en van guerten huestede II. h.g. en noch I clein goirdeken XII. butkens.

Locke hoir hustede jairlix II. h.g.

Arrian vurde huestede I. g.g. van enen gorden III lichte pont ende van een stuxken landes in den Aeler esch III.

S(cepel?) R(ogen?)

Werner Snoijen van sijne huestede en eijn gordelen III. ort g.

Henrick Muller en sijn moder van sijne huestede en I gordelen III. h.g.

Jan Bushouwer van sijne huestede I. h.g.

Derck Wever van sijne huestede I. h.g.

Wessel Bellern van sijne huestede III. Str.

Wijncken Kueper van sijne huestede I. h.g.

**Pag 112 -**

Jan Rost van sijne huestede I. lichte pont

Wessel Rickerdinck van sijne huestede VII. butkens

Asselle Perboems van huestede VIII. butkens

Kannenberch van huestede I. h. g.

Jan Muller van huestede VIII. Str.

Hijnnecken Wevers huestede VIII. Str.

Baete Gusseclau van huestede III. Str.

Jan van Sueren van huestede VIII. Str.

Gude Krusebrinck II. lichte pont

Jan Roekers van huestede III. ort g.

Mette Brandes van huestede II. licht pont

Gert Kosters van en gordelen VII. butkens

Slatman van een kempken vijff Scep(el)Ro(ggen)

Summa valet behalven huis en hoff XII. molder R<sup>o</sup> ende XIII. h.g.

No.

Dit vurs. der meijerschen verpacht sall mijnen g.l.h. geven des jairs dre jair lanck durch vuer XV. mol. R<sup>o</sup> des sall mijn g.l.h. hoir vrien den uitganck der XIII. mol. R<sup>o</sup>.

**pag. 113-**

No.

Berndt thenn Mollenkampe enen kamph ghehethen in den pan den giftjairlix II. mol. R<sup>o</sup>. en I. mol. weeksaetz vermeent der Meijersche in deselve vurs. pacht 't hebben donoeffens nijet ghenompt.

Noch eijn stucken boulant met enen gorden in de Stevenskuele giftj'samen III. Filipsgls j.g.

Item dat Segetfrede bij den Snoijenbus hefft die Drost den Meijersche mede noch in den selve vurs. pacht gedaen de vurs tijt lanck	
Gert Larberchs ene huestede giftjairlix I. licht pont	hefft de Drost
Lamme Kuene van sijne huestede I. pont	de meijersche
Claus Hijllen metten steden dair Assele Nachtegale	mede in de vurs.
op wont - jairlix II. h.g.	pacht en tijt gedaen.

Item noch de huestede dat Gasthuijs op staet en de gorden daerbij

**pag. 115 - Den Ahoff**

Giftjairlix op idt huis Bredeffort in twe reijssen ter herffst en Meijbeden XIII. g.g.

Item noch jairlix XXII. mol. R<sup>o</sup>

Item XIX. mol. gerst

Item XIX. mol. havers

Item VIII. Swijne

Item X. pair hoeners

Item is int erste ene watermolle en ene Olijmolle. de watermolle is gancachtich ende is vur ghebaden in to setten jarlix LXXV. mol. R<sup>o</sup>, XXX. mol. maltz XXV. mol. Bockweijten. Die olijmolle moet men tijmmeren met steen en anders is nijet dan idt blote hues.

Item noch ene mate de mijn Joncker hefft gehadt, hefft nu Swer Kralle vur XVIII. h.g. dicti de Kolenbroix mathe It noch enen kavenstede gheheten Bruninck an den Aeler esche gheleghen mijn Joncker van Stenforden van have ghehat hefft die jairlix doet XIII. mol. R<sup>o</sup> XIII. mol. buckweijte en hoirt onder den Ackeren dair is aff vergeven sanct Jurgen 1. mol. R<sup>o</sup>. de Presters 't Breffort 1. mol. Sanct Helene 1. mol. her Jurgen mijns Jonckeren Cappellaen II. mol.

**pag. 116 -**

Item dit bijlachte ghebruckt de Meijersche en verpacht III. jaer inholt der Cedellen.

Heijle Mullers III. mol. R<sup>o</sup>. in den selven hoff jairlix sall noch ghebrucken III. jair en wederom alsdan dairen tendens an mijnen g.h. vallen in affkortinghe der pacht de meijersche geven sall.

Fenne Wessels beide tijnden uiten Messinckhave, uit Richterdinck, Cringesborgh en Silversmedinck noch Fenne en stuck in den Alter Esche van III. mol gheseijs gheheten dat langhe stukke; desse twe perselen in den jair van XXI. versath, is verdraegert dat sij dit vurs. sullen gebruiken tot XVI. jair met idt ghene sij ghebruckt hefft en dair tendens wederom an mijnen g. h. vallen.

Item mijn g.h. sall uit desse vurs. tijnden uit de Cringesborgh ende uit vijff stuckskens in den Aelter Esche boren en noch uit een stuck landes in Jan Drosten guet dicti dat Dall alsmen dat seijt decimam

Noch eijn stuck landes dicti die Weninckbrede omtrent III. mol. geseijs ende dre mol. rog. 's jairs de meijersche gebruukt over de tijt en wederom tfortvalt an de hoicheit, van dit stuck van III. mol. gheseijs sall Fenne geven III. mol. R<sup>o</sup>.

**pag. 117 -**

Item noch een stuck landes omtrent III. mol. geseijs dicti dat Oestersche stuck en weijnigh heetlandes.

It. noch een stuck landes achter de mollen ghelegen opten bleeck gheheten dat mede in den breff van dat Oestersche stuck begrepen is en stait tsamen vuer 1 q. vur kindesdeel en schulde, is ghebruckt over XXXVII. jair en over de tijt valt weder an de hoicheit van dit lant ende weijde vurs. solde sjairs gegeven hebben V. g.g. dan durch bede en ens armes kropels opten gude gheboren gemoderert III. jair op III. g.g.

Evert Scheijnck enen kamp dicti de broixkamp merklich verbeterd en II. stuck gorden landes op ghedaen LX. g. XXXIII. jair ghebruckt so verfallen den heren hefft ghepacht III. jair lanck des jairs vur III. g.g.

Kannenberch I. stuck landes in en Aelter Esche van V. Sch. gheseijs sall noch IX. jair brucken so sijnen breve in 't jair XXII. gegeven is.

Wassinck I. mol. saet lantz bij den Vennekip an en berghe XXV. jair gebrukt vur XX. h.g. t hant gefallen. Jo: Wassinck III. jair verpagt vur I. mol. R<sup>o</sup>. It noch hefft Wassinck een stuck landes in ghebruck an den Grevinckwech gift enen man 't fragen I. mol. R<sup>o</sup>. sall mijnen g.h. voert geven soe ver hij 't selve sestijn jair ghebrukt hefft, secht de meijersche hij seven ghebrukt hefft, hefft dair op gedaen X. g.g.

**pag. 118 –**

Metten Brandes I. stuck landes I. mol. gheseijs sall noch XIII. jair ghebrucken, tendens den selven t hant verfallen.

Gert Smit I. stuck landes van II. S(ch.) gheseijs 't hant verfallen hefft Gert ghepacht dre jair vur II. Sch. R<sup>o</sup>. Genne Smeijs ene hoijmate dicti de Honnepmathe noch ene mathe dicti de Weidemaet bij die honnepe mathe ende III. huesteden die in all 't samen verpandet vur I. P. XXV. golden g. de huestede wont op de ene Storij Kempinck opte ander Stijne ten brincke Henrick Piper en Sander 't have 't samen verfallen soe de selve vrou een dochter van den have is en den penninck guetwillich sonder wedersegen doet, hefft laeten vallen dair durch hoir dit 't samen vurs. verpacht III. jair vuer vijff g.g. dair tendes wederom 't hant te komen.

Stijneken ten Ahave een huestede met enen gorden en I. stuck landes van II. mol. gheseijs sall Stijne in pacht halden III. jair lanck vur II. mol. R<sup>o</sup>.

Jan Schurinck I. stuck landes van een mol. saet sall noch XII. jair ghebrucken.

Henrick Pijper I. stuck landes I. mol. gheseijs dair op ghedaen X. gol. g. an den huese ten Ahave vertimmert, sall noch XI. jair ghebrucken.

**pag. 119 –**

Gert Stapelkamp I. stuck landes van I. mol. gheseijs X. g.g. opgedaan tottet hues ten Ahave vertimmert sall noch XI. jair ghebrucken.

Willem Storm en plesken dair en ijmschuer inne staet 't hant verfallen hefft gepacht III. jair vuer V. butkens alle jair.

Jan Nachteghaele ene huestede met enen achter gorden 't hant verfallen dair hij XVI. g.g. op gedaen hefft ende wederom ghepacht III. jair des jairs vur I. g.g.

Her (de priester, HR) Henrick Holthuis enen kamp dicti de Pas, dairop ghedaen L. g.g. hefft 'sjairs uit V. mold. R<sup>o</sup> ende eijn cleijn gordelen van dre spint gheseijs en is gefundert totter Vicarien Sancti Anthonii t Alten.

Her (ook priester, HR) Gert Meijnen en hues met enen gorden dair iop hij ghedaen XX. g.g. 't hant verfallen, hefft gepacht dre jair vur I. g.g.

Henrick Drosten twe stukken landes van VII. scep. gheseijs versath vur XIII. g.g. noch enen kamp an de Polsteghe.

**pag. 121 –****Die Hoff 't Buckelloe**

Gifft s jairs ter Herbstbede ende ther Meijbede in als VI. g.g.

Item opten hillighen kristavent IIII. deventer gulden, ijder gulden XII. swaer butkens II. enckede. gl.

Dit nabeschreven van de hant versat en verkofft is gewest.

Drost Reijneken en stuck hets ende weide lantz dicti den wijwert valet jairlix III. g.g.

Noch de Drost vurs. enen kamp ende twe cleijne kempkens sijnt swer dre jair verdaen jairlix III. mol. R<sup>o</sup>.

Item eijn stuck seijlanes hefft herr (priester, HR) Henrick Lairberg omtrent III. mol. geseijs, sall twe jair ghebrucken en nit aff geven, soet mer XII. jair van den hoff versat is, ende alsdan wederom an mijnen g.h.vallen

**pag. 122 –**

Itemm de van Schair twe kempe van de kerke 't Alten ghepacht uiten selven have ghefallen omtrent tusschen Vij. en VII. mol. geseijs valt wederom na den hoff ende doen jairlix den van schair tusschen Vij en VII. mol. R<sup>o</sup>.

Item I stuck landes gheheten die Wijwert dat die Kerke ertijs uit den hoff ghekofft hefft, is wert omtrent IIII. mol. R<sup>o</sup> s jairs hefft Saelke gepacht III. jair vur IIII. mol. R<sup>o</sup>.

Item en stuck seijlandes Henrick van Basteen van III B. geseijs hie gepacht III. jair jairlix van III. B. R<sup>o</sup>.

Storij te Buckelle hefft dat mol. saet landes van Grete Junghen s jairs vur I. mol. R<sup>o</sup>

~~It so~~ Storij hefft sedels van hoff dair hij to volleste tot herffs en meibede aff gifft dre gold. gl.  
sall vort gebruiken en s. jaers aff geven IIII. g.g. allet III. jair.

It noch hefft Sailke en Juncker Jan ijtlck I. mol. saets landes van de kerke dat uithen have is dre jair ijtlck 's jairs I. mol. R<sup>o</sup>

dit ene mol. saet landes van Sailke het Storij te Buckello.

Nº. Evert van Lijntelle ene mathe uithen have dicti die bloemkensmathe Lijntell versath vur LX. enckede gulden

**pag. 123 –**

Item is noch omtrent Sevendehalff mol. gheseijs hefft Reijncken ghepacht III. jair ende sall all jair geven III. g.g. III. Deventer gulden. Itlick gulden met XII. sware butkens ghelyck hij gegeven hefft ende en swijn sijnt inne III. mol. tende R<sup>o</sup> hefft Evert van Lijntell gheboirt, kan hij den verdegelen mach hij voirt boren, anders sall hem mij g.h. boren.

Storijs thoe Buckeloe sall mijnen g.h. geven IIII. g.g.

#### Die Honnepe

Gifft sjairs then mijj ende hersbede in als II. g.g.  
It een stuck seiijlandes van twe mol. geseijs Gert Krekers hefft gebruckt VI. jair vuer XVI. g.g. bet. valet annuatim  
II. mol R<sup>o</sup>  
sall noch met dessen tegenwordijghen jair gebrucken VIII. jair alsdan wedrom komen en vallen 't hant

**pag. 124-**

Item her Jan Pastor 't Brefort besoeit te brengen van II. mol. R<sup>o</sup>. III. mol. h. en I h.g. hij dair uit hefft.  
Henrick van Merffelt bescheit 't brenghen van den tijnden met namen VII Schr(eckenberger? (7 Schreckenberger = 1 Rijxdlr.)  
Is in als geseijten acht mol. saetz en I. maetken s.jairs valet ----- II. h.g.  
Is en mol. R<sup>o</sup>. verhoghet III. jair.

**pag. 125 -**

#### Hunijnck

Gifft op idt hues des jairs ter herffs ende Meijbeden -----III. g.g.  
ende I. molder Roggen verhoeght III. jair  
Gert Venthues I. maetken bescheijt t brengen t have verfallen op gegeven XXII h.g.  
Evert van Lijntels breffe t besien wo langh hij t boulant ghebruckt hefft

Dat lant Willem 't Buckelo hefft sal halden off de dair op wont III. jair 1. mol. R<sup>o</sup>. hefft nu Evert van Lijntello

**pag. 126 -**

#### Borninckhoff

Gifft jairlx op 't hues ----- IX. mol. R<sup>o</sup> und  
Item ter Herffs ende Meijbede s jairs in als ----- IX. mol. havers  
hefft III. jair ghepacht ende sall sjairs beneven dit vurs. geven VII. gol. gl.  
----- I. g.g.,

**pag. 127 -**

#### Lefferdinck

Gifft anders nijet dan herffbede en Meijbede tsamen des jairs ----- II. g.g.  
Is verhoeght i. mol. R<sup>o</sup> I. mol. R<sup>o</sup>. I. swijn

#### Wolterinck

Gifft oick nijet dan herffs en Meijbede is alles ----- II. g.g.  
Is verhoeght III. jair en mol. R<sup>o</sup> tendes den III. jairen wedrom an mijnen gen. L. h. vallen.

#### Gussinckloe

Gifft des jairs in alles ----- II. g.g.

**pag. 128 -**

#### Hermen van Lueten

Gifft nicht mijnen g.h. dan den denst.  
It Arnt van Buerle 't schrijven met hoir besceet van de VI Schep. R<sup>o</sup> tentmaete groff en smale.  
It Jurgen van Loen van de Herffsbede en meijbede int guet met bescheijt 't komen  
und to geven voert ----- IIII. deventer gl.  
Noch gifft hermen sijns wijffs vader VI. mol R<sup>o</sup>. sjairs  
It in als V. mol. saets landes ene weide en dels holtgewasses, die weide .. valet IIII. gl. s jairs  
Sall mijnen g. L. h. geven s jairs II. g.g. II. mol. R<sup>o</sup>.

**pag. 178 -(1539)** Jan van Merhulsen in stadt des Rentmeesters vragt eens gerechten ordels nae haves rechte des haves to Stadloon off het saicke wer, die hoffher off Hoffschulte enich hoffguet versplittert, verpant, verwust offte verbracht erfinde, dat welcke one consent des rechten hoffhern eder hoffschenlen gescheet wer, off de hoffher eder hoffschulte oick enige ander rechtforderungen derhalven an to haven ende executie des rechten dairop 't doen ende 't verwachten nodich sij dan dat selve nae haves rechte vurs. an thoe fangen en tot behoff des hern thoe gebruecken na des haves rechte vurs.

Dat ordell bestadet an gert Rordinck Tegeder die met beleronghe des ander haveslude des haves vurs. bess op datum hueden totten havesrechte vurs. gehalden vur recht nae haves rechte des haves to Loen.

**pag. 179** – It Roirt met sampt de hofluden hebben ghebeden dat de Marschalck desse saecken der hofflude bes Sanct Jacob erstkunfftich will berusten laeten, dat sijn Lieffden als dan thoe Stadtloen will gesijnnen, wess sie dan plichtich metten versetteden, versplitheden eder verpandeden guederen mijnen gen. hern schuldich willen sie inne staen, beheltick off mijn g.L.h. nae wijsinge dess vurs. haves dair aff was anders nae recht tot behoeff mijns g.L.h. geneten konde.

**pag. 181** –

Hoffboick

**pag. 190** – (1550) Die hoicheit fraecht een ordell nae haves rechte off ementz van haveslude bueten off bijnnen lantz were ende huden dessen dach nae alder gewonten ende nae haves rechten niet in quemen ende sich tekenen lete, wess sie den Hoffhern daer an verbroickt hebben, dat ordell bestadet an de tegheders die gewijset hebben nae haves rechten, die bijnnen lantz niet erschijnen sijnnen belmondich veregent, die buetn lants zullen dre jaren geneten.

It Henrick Koninck met beleringhe der ghemenen hoffluden wijset vuer recht, dat alle die hoffluede die op principale hoffguden wonen, besatten ende huden dessen dach sonder hern gebott, lijffsnoet off watersnoet dat bewijslick is niet optyen hoffdach erschenen sijnnen, sult sij den gerichten en denn hoffluden itlich nae havesrechte en alden gewonten vervallen sijn.

**pag. 192** – (1551) Hinrick Roselinck en ordel laten vragen off die frowspersonen ock schuldich sijnt ichtes wes t geven als zij sich ijnt hoffboick laten schriven und oir hoffrecht wijnnen nemptlich dem Richter tegeders und schriver, dat ordel an Hinrick Konijnck bestat und wil sich hirup beleren, so hie und die hofflude itzont sulx nijt wijs en sijnt und dat ordel ten negsten hoffgericht inbrengen.

**pag. 205** –

Wesselungen.

Anno XV.<sup>C</sup> XXXI. hefft die Droste Jacob ten Sterte mit Clawes van Monckhusen Drost tom Ahuse ein wissel geholden und tot behoeff des huses Brefort entfangen Hinrick Higinck Arnt und Elsken Higinck echte Sonne, und dair voir weder avergewiset Hinrick Smedinck Wienken und Gesen Smedinck echte Sonne. Datum Sondach na Bartolomei. Anno ut supra.

Anno XV.<sup>C</sup> XXXIIII. hefft min Joncker die her to Puderoien Marschalck etc. mit den Graven to Schowenborch ein wessell geholden und siner Edelh. averwiset Aelke Stortelers Hermen und Greten dochter, und dair voir weder tot behoeff des huses Brefoort ontfangen in folschuldiger egendom Temmele Besselinck Gert Schulte to Besselinck und Trinen echte dochter to Weseke wonende. Actum den XXV<sup>den</sup> Novembris Anno ut Supra.

**pag. 206** – It den XII. Decembris Anno XXXIX. min Joncker die Marschalck ein Wechsell geholden met Gert schult to Praestinck und sin L. tot behoeff des huses Brefort entfangen Gesen Johan Schurinx huesfrouwe tho Medeho, echte dochter Johan und Nale Konen, dair voir hem weder avergewiset tot behoeff mins g.h. van Monster Fie Roselinck Hinrich und Hinrica Roselinck echte dochter.

Anno (XV<sup>C</sup>.) Viertich den ersten Februarii hefft min Joncker die Marschalck ein wessel geholden in krafft siner lessten Monsterschen verwins, also dat sin L. als Amptman tot behuff des huses entfangen Stinen to Kortckecke (Kortbecke?) Johan und Alitz echte dochter und weder tot siner lessten und oren erven behoeff entfangen Gesen Storis und Jutten ten Borninckhoff echte dochter.

**pag. 207** – It A<sup>o</sup> (XV<sup>C</sup>.) XLII. up dach Antonii Confessoris min Joncker die Marschalck ein wessele geholden mit Arnoldus Prior und Convent to Burlo und tot behoeff des huses entfangen egenhorige maget Marrie Brorinck Esselen und Margarethen Brorinx echte dochter gekomen up Mensinck, dair voir hem weder avergewiset Anna echte dochter Hinrix und Hinrich siner huisfrouwen gekomen up Buerls guet Sicking.

It Anno (XV<sup>C</sup>.) XLVI. den XIII. Junii hefft min Juncker die Marschalck ein wessel geholden mit Henricus Prior und Convent to Schaer und tot behoeff des huses entfangen Alit echte dochter Henrich up Schaer und Merien siner huisfr. to egendoms rechte, dair voir hem weder averwiset Deve ter Smit echte dochter seligen Wessels ter Smit en Greten siner huisfrowen tott hoffhoricheit.

**pag. 208** – It Anno (XV<sup>C</sup>.) XLVIII. den sesten Februarii hefft min Joncker die Marschalck ein wessel geholden mit Johan Schroder genant Richters und tot behoeff des huses entfangen to egendoms rechte Stinen naturlige dochter seligen Elsken Rolevinx als die an hem verwisselt gewest van den stift to Asbecke.

It Anno (XV<sup>C</sup>.) XLVIII. den vifften Julii hefft min Joncker die Marschalck ein wessel geholden mit Johan Schroer genant Richters und Henrica siner huesfr. und tot behoeff des huses entfangen Enssele echte dochter Johan Rolevinx und Gesen siner huisfrownen wonafftich up den erffe Rolevinck in den kerspel van Ledden. dair voir van hoffhoricheit frij gelaten und gegeven, Lumme echte dochter Henrick Roix und Wilhm siner huisfrownen.

**pag. 209** – It Anno (XV<sup>C</sup>.) LI. den XXVIII. Januarii hefft min Joncker die Marschalck ein wessel geholden mit Prior und Convent to Schaer en tot behoeff des huses entfangen Henrica echte dochter Wilhm to Elsinckhorst und Heilen siner huisfrowe to egendoms rechte dair voir hem weder avergewiset Gese Smitz echte dochter seligen Wessel ten Smit und Greten siner Huisfrownen hoffhorich.

It Anno (XV<sup>C</sup>.) L. den XXVIII. Junii hefft min Joncker die Marschalck ein wessel geholden mit Jurien van Asbecke Joest siner husfrowe und tot behoeff des huses entfangen tot egendoms rechte Gertken echte dochter Johan und Metten Frerix dair voir freij gegeven Naelken Boijnx seligen Werner und Merrie sine huisfr. echte dochter.

**pag. 210-** It Anno (XV<sup>C</sup>.) LI. hefft min Joncker die Marschalck Derich Wilkerinx echte Sonne Bernt Wilterinx und Else sin husfr. van Gelink geboren van egenhoricheit frij gelaten dair voir in sin stede ongedwongen und friwillich egenhorich gegeven hefft Hinrich echte Sonne Johan Kamphues und Merien ten Weienboem siner huisfrownen.

It min Juncker die Marschalck ein wessele geholden mit den Graven van Bentem tot behoeff des huses entfangen Hilleken echte dochter Wilhm ten Wekamp und Kunnen siner huisfr. dair voir siner Edell avergewiset Lisbet echte dochter Herman Wassinx und Jutten siner huisfrouwen . actum XXI. Marti A<sup>o</sup> (XV<sup>C</sup>.) LI.

**pag. 211** - It min Juncker die Marschalck ein wessel geholden mit den Graven to Bentem tot behoeff des huses entfangen Hinrich echte dochter Wilhm ten Wekamp und Kunnen siner huisfr. dair voir siner Edelheiden weder avergewiset Nale echte dochter Herbert ten Holthues und Merrie sin huisfrouwe. Actum

It min Juncker die Marschalck hefft frij lois und ledich gelaten, vergunt und gegeven Nalen echte dochter Lambert Wamelinx und Guden siner huisfrownen van alsolcher hoffhoricheit als zie sus lange darmit den huse Brefoirt bewant und verplicht gewest is, also dat zie sich nu voirtan soll kerend wenden mogen in wat echte und rechte hoir beleven soll willen, und hefft sin L. in oir stede in und tot geliger hoffhoricheit tot behoff des huses Brefoirt entfangen tot ener rechten wederwessel Bernarda echte dochter Lambert ten Wernhuis und merrien siner huisfr. diewelche inholt des signaitz sich friwillich mit weten wille und beleffnisse hoirs mans Gert Willinx als oren Mombar in stat Nalen hoffhorich gegeven hefft actum (XV<sup>C</sup>.) XI. Januarii A<sup>o</sup> LIII.

**pag. 212** - It min Juncker die Marschalck hefft frij lois und ledich gelaten, vergunt und gegeven Johan echte Sonne Hinrich Willinx und Delen siner huisfrownen van alsolcher hoffhoricheit als hie sus lange dar mit den huise Brefoirt bewant und verplicht gewest is, also dat hie sich nu voirtan soll kerend wenden mogen in wat echte und rechte hem geleven soll willen, und hefft sin L. dair voir in sin stede in und tot geliger hoffhoricheit tot behoff des huses Brefoirt tot ener rechten weder wessel entfangen den jongen Gert Willinx echte sonne des olden Gert Willinx und Annen siner huisfrownen diewelche inholt des signaitz sich freijwillich mit weten wille und beleffnisse sins vaders vurs. als sinen rechten Mombar in stat Johans vurg. sich weder hoffhorich gegeven hefft. Actum (XV<sup>C</sup>.) XI. Januarii A<sup>o</sup> LIII.

**pag. 213** – Min Joncker die Marschalck hefft bewillet ene wesselonge und dieself gedaen mit den Erwurdigen und Erentvesten hern Bernt van Raesfelt Praesten to Sanct Mauritius buten Monster und heft sin L. den Proveste avergewiset Johenneken echte dochter Gert Roirdinx und Metten siner huesfr. und dair voir weder entfangen tot behoeff des huses Brefoirt Stientgen echte dochter Gert Elinx und Gesen siner husfr. na vermoige mines Jonckeren vurgemelt egen antekenisse und besiegelden wesselbriefs des Marschalck vurs.

So die selige Marschalck Martin van Rossem als Panther to Brefoirt mit dem erentvesten und Erwurdigen hern Bernt van Raesfelt Domhern tho Monster und Praeste to Sanct Mauritius buten Monster ein bute und wesselonge geholden hefft darinne der Panther dem Praveste und sinen nakomlingen in hoffhoricheit avergewiset und averlaten hefft Johenneken Gert Roirdinx und Alit siner ehiger husfr. dochter geboren van den haeve und gude Roirdinck gelegen in den kerspell van Winterswick in der Woltburschap dairtegen hie van den Praveste vurgemelt ingelicken hoffhoricheit tot behoeff des huse Brefoirt weder

**pag. 214** – entfangen heft Stincken Gert Elinx und Gesen siner husfr. echte dochter geboren van den erff und gude Elinck in den kerspell van Wenterswick in der burschap van Miste etc. und so dan overmidts doitlicken verfall des Panthers Martins van Rossem den Pravest hie van noch ghien behoirlich wesselbreve entfangen hefft, die Droste Johan van Isendorn voir hem und sin nakomen Drosten Amptz halven /: nagaende die voirgehorte bute und wesselonge /: bij advijs weten wille admissie und auctorisatie van Cantzler und Rheden Con . Chat. van Spannien Engeland etc. in Gelrelandt verordnet na wider vermeldonge dair van gegeven und

opgerichten ziegel und breve ergemelten Praveste und sinen nakomlingen to ener wederwessel avergewiset opgerote Johenneken Gert und Alit Roirdinx echte dochter, dair voir sin L. in krafft des Pravestes vurgegeven Ziegel und brief tot behoeff des huses Brefort weder entfangen die vurs. Stinken Gert und Gesen Elinx dochter und demna geloeft als Amptman und Droste vurgemelt in macht der vurs. Cantzlers und Rheden to gestalten admissiebrief desen wesselonge und bute ein waer 't sijn und warschap 't doen na vermoge Cantzlers und Rheden

**pag. 215 p-** brief und wu sin L. sonst anders solx Amptz halven 't doen schuldich und to rechte na landes gebtruick behoren soll, Allent sonder arglist. Datum XX<sup>en</sup>. Decembris A° 1557.

So bij tiden seligen Drost Jacobs ten Sterte tusschen denselven Jacob und Rutger van Diepenbroick der tit Drost des ampts Bocholt ene wessel und bute geholden und geschiet is worden, dair in Jacob vurgemelt als der tit Amptman to Brefort in hoffhoricheit avergewesen heft Grieten echte dochter seligen Gert Roirdinx und Mette siner husfr. welcke Grete gehilickt is an enen genant Johan ten Venhuis geseten in den Ampte van Bocholt, wair voir Jacob vurgemelt to dem huse Brefort in gelicker hoffhoricheit weder ontfangen heft Alit echte dochter Derick Meckinx und Greten siner husfr. welcke Alit gehilickt is worden an enen genant Lubbert die Hanen wonaftich in der Herlicheit van Borcklo und in der burschap to Vrageren. Und so dan overmitz beider Amptluede Jacobs und Rotgers vurgemelt doitlichen verfall dair van seden der tit und bes

**pag. 216 –** an her ten beiden siden gien ziegell und breve gemackt noch gegeven sint worden, hefft Johan van Isendorn Drost to Brefort /:desen voirgeherten wesselonge nha :/ bij advis weten wille admissie und autorisatie van Cantzler und reden Con. Abo. van Spannien Engellant etc. in Gelreland verordent na meldonge dair van gegeven ziegel und breve als itzige Amptman na sede und gebtruick deses ort landes ene wessel und bute gedaen und geholden mit den Erentvesten hoich gelerten und fromen Frans van der Wick Licenciat und Amptman to Bocholt avergewiset und opgelaten tot behoeff mins G. H. van Monster und Ambts van Bocholt bavengenante Grete Roirdinx geboren van den hoffgude Roirdinck gelegen in den Kerspell van Wenterswick und in der Woltburschap mit twen oren kinderen als oren soen Hinrich und oer dochter Mechtelt, und hefft dair voir und in oir stede tot behoeff des huses und Ampts Brefort in gelicker Hofhoricheit weder om entfangen die opgemelte Alit Meckinx nu echte husfrowe Lubberts die Hanen vurgemelt, geboren van den have to Meckinck gelegen in den kerspell van Bocholt und in die burschap to Hemden, itzens wonende to Vrageren mit twen oren kinderen als oren soen Lambert

**pag. 217 –** und oir dochter oick Alit genompt und gelaeft dessen alle nha, als Ambtman und Drost vurg. in kraft und macht der vurg. Cantzlers und Reden to gestalten admissiebrief voir hem und sin naekomenden Drostes desse wesselonge und bute ein waer to sin und altit gute oprechte wairschap t doen na vermoge derselver Cantzlers und Reden brief und sonst to rechte behoren soll. Allent sonder arglist . Datum XX<sup>en</sup>. Decembris A° 1557.

Die Drost Johan van Isendorn heft voir hem und sin nakomende Drostes und Amptluden bij advis wille admissie und auctorisatie Cantzlers und Rheden Con. Chat. etc. na vermeldonge dairvan gegeven ziegel und breve vrij quiet ledich und lois gelaten Gertken echte dochter Gerdes ten Damkatten und Hillen siner husfr. van alsolcher hoffhoricheit dair mit sie dem huse Brefort sonst lange verplicht verbonden und togedaen gewest is, also dat zie nu voir tan sich sal mogen keren und wenden in wat echte of rechte steden, landen und Gilden, hoir lusten und beleven soll, und hefft dair voir tot behoeff des huses Brefort in gelicker Hoffhoricheit entfangen Stinen echte dochter Johan Knoipmes und Liesken siner husfr. die sich mit auctoriteit wetten und beleven der selver oirs  
**pag. 218 –** vaders und moders dair tegens uth orer vriheit vrij willich und onbedwongen na wider vermeldonge des signaitz gegeven heft, und gelaeft desem allen nha wu vurg. voir hem und nakomenden Drostes berorte Gertken deses altit ein waer 't sin und gute oprechte warschap 't doen als recht is. Allent sonder arglist, datum Litterarum XX<sup>en</sup>. Decembris A° XV. C. LVII.

So bij tiden seligen Martins van Rossem als Panthern tho Bredefort ene wesselonge und bute geholden is gewest mit den Edelen Walgeboren Werdigen und erbaren Praestijnnen en Juffern und Capitulairs hern des vrij weltlichen stifts Vreden darinne denselven Capittel in hoffhoricheit overgesath und avergewiset is worden Lubbert echte Sonne Storijs ten Borninckhoff und Jutten siner husfr. dartegens berorte Martin van Rossem in gelicker hoffhoricheit weder entfangen und hebben solde uth dreij des vurs. Capittels hoffhorigen hoeven und guderden den koer etc. und dan overmitz

**pag.219 –** vertreck und dotlicken verfall berordes Panthern die vorgesachte koer und wederwessel noch niet geschiet och dair aver behoerliche ziegell und breve noch niet gegaen dan bes an her verpleven, heft die Drost Johan van Isendorn derhalven als itzigen Amptman und Drost bij advijs weten wille und auctorisatie van Cantzler und Rheden hoichberompt Con. Chat. in Gelrelant verordent nha wider meldonge dair van gegeven ziegell und breve tegens und voir Lubberte vurs. van obgnante Praestijnn Juffern und Capitulairs hern tot behoeff des huses Brefort to ene weder wessel entfangen Bernt echte Sonne Gert Elinx und Nalen siner huisfr. geboren van den Vredenschen Hoffgude Elinck gelegen inden kerspell van Wenterswick in den Derpburschap und gelaeft desem nha als Amptman und Drost vurs. in kraft der vurgemelten Cantzlers und Rheden to

gestalten admissiebrieff deser vurgerorte buete und wesselonge voir sick und sijn nakomende Amptlude und Drosten ein ware 't sin und warschap 't doen na vermoge Cantzlers und Rheden vurs. to gestalten brieff und wu sich sonst anders amptshalven und na sede und gebruck deser lande behoren soll sonder argelist. Dat. Litterarum 22 Septembris Aº 1558.

**pag. 251** – (1546) Gerrit Kopper als togelaten voirsprecke in stat der hoicheit als hoffschulten, spreekt an mit recht Ergbert Mirdinck Harmen Roirdinck, Hinrich Higink, Hinrich Boemfelt, Jan to Lintum, Warner Gesinck, Jan Onnekink, Johan Tenckinck Tonis Willinck.

**pag. 252** – Wilhelm Bolinck, Reintgen Scult ten Ahoff und Storis Schult Berninckhoff und segt wu dieselven in wederwillen und buten consent des hoffhern die hofguder tem dele verwoesteth versath, versplittet und darup ock hart eken und boken holt gehouwen hebn, darmit zie na hoffrechte oir hovesgerechticheit und die guden verworckt und verboirt hebn und die selven den hoffhern loes und frie verfallen sint, allent na hoffrechte des hoffrechte des haves to Statloen gesinnet na havesrechte deses en rechte antwurth mit voirbeholde alle vorder notdroftt des rechte na havesrechte.

Die vurgemelte hofflude kennen sich semlich onschuldich und sind nicht gestendich de hoffguder die zie onder hebn versplittet, versath of verwoestet to hebbenn, dan kennen dat zie wall to fullest der kercken danup hart holt gehouwen hebn und dartegens sen wall weder gepatet und hebn ock nicht weders gehouwen dan oir voirvaders gedaen hebn den solckes nicht beswert is worden, verhapenen daromb dat die her zie ock nicht widers besweren oft overfallen solle dan van olders gewonlich und sedelick is, und so

**pag. 253** – zie die guder nicht solden gebruken wu van olders gewonlich und gescheet is, solde zie des in groter beswerunge und faer staen und zie die patonge dan ock nicht schuldich sint 't doen und also die hoffguder nicht in eren solden geholden werden kunnen und derwilen dan zie op die hoffguder nicht widers dan van olders gewonlich is gehouwen hebn und dieselve nicht verhouwen, verwoestet off versplittet hebn, vertrownen zie dat zie derhalven der vurs. ansprake nicht schuldich dan die verlaten sollen sin und seggen, dat het recht is und begeren des en recht ordell na havesrecht.

Garrit JKopper als vurs. repliceert op den vurg, hofflude verantworonge und segt na demmale zie sulfs bekent op die hoffguder hart holt gehouwen 't hebn, dat derhalven den hoffhern hirup gien bewises te voren nodich sin soll. Tom andern als zie dan die verwoestongen und versplitteronge entkennen, will die hoffher in tem dele und etlichen van on solckes overwisen, so zie met ordell und recht dar to gelaten werden mochten, als zie dan ock begeren dar to gelaten 't werden, und segn dat zie derhalven na dem zie den howonge des hartholtes nicht entkant hebn der ansprake vurs. sollen fellich gewesen werden, und die hoffher tot den

**pag 254** – vurs. vermeten bewies ock behore togelaten 't werden, und segn dat allent dit sulve also ock na recht eregen und geboren solle und begern des en recht ordell na haves rechte wes hier van richt sij. Dit vurs. ordell is bestaet worden an Warner Storteler.

**pag. 270** – (1548) Deeff ter Smijt verwisselt voer Alijth opt Hoige Schaer tegen den Convent unde heren tho Schaer ende is Deve hoffhorich dem huse Bredevorth hoer moder geheiten Grite Porteners in Aº (XV<sup>C</sup>.) XLIII gestorven. Alheidt vurs. is den Heren van Schar eigen gewest und eigen gebleven dem huse tho Brevorth an Deven stede die hoffhorich was.

**pag. 290** – (1550) Wincken Wilhelm ten Straeckes dochter verwesselt voir Winken Smeinx dochter up den strake gehilickt uth der echte an Tonij van Horstman binnen Vreden. S. was et judicio satisfecit salvo de nuptiis extra ordinem Dno suo june.

**pag. 313** – Johan Menekinck echte sonne Hinrich Menekinx des olden und Greten siner huisfrowen als mit consent als die vader segt uth der echte gehilickt wonende in hollant. debet piper.

**pag. 332** – (1555) Herman Roirdinck hefft sich beclaighet van twijer wesselinge in den ersten van sijner suster Grieten die sijn vader beforens bestaadt hefft in den Ampte van Boickholt an Venhuis, und die ander genoempt Jenneken gehijlickt an Werner Eelkinck in der burschap van Olgisthe und begert darvan wessel und breve so hij die gerechticheit lange betailt.

**pag. 333** – Inglischen Boemfelt sijn dochter Stijne bestaadt an Johan Gesinck mijns Jonckeren van Stenforde eighen man und dair vor weder avergewijset und tot behoeff des huses Brefort weder entfangen schulte Drentels dochter Elske und begert dairvan Zegell unnd breve Den 17<sup>den</sup> Junii Aº 81. hefft Johan Dienbergh Rentmr. tho Bredefort gestendiget, dat hij den wisselbrieff van Elseken Rogers van Mr. Berndt Kramp untfangen hefft. Desgelijken heft sich Reintken Schulte ten Ahoff verlanghet und ein boick ingebracht wu dat hij bes her to verkortet si van Jacop ten Starte tijden j. und van sijnen hofluijden und gerechticheit privirett.

**pag. 358** – (1557) Peter Schoelwick vanwegen der Panth. vrouwen in stat Con. Mat. unses aller gnedichsten hern vraget ens gerechten ordels of iemant hofhorich man oder frowe dess hoffe to Mijste und Ahof

**pag. 359** - huden to dage of tho behoirlichen tadt nit comparerde und sich vernotschijnigen leten umb sin hoffrecht to wijnnen und to bewaren wat deself daran gebrockt soll hebben.

Bestadet an Hermen Rordinck die darop na beleronge der hoflude weset vor recht dat hie daran gebrockt soll hebben so vole dat hoffboick dairvan vermeld und dat up gnaden na hoffrecht.

**pag. 361** -(1558) Anna ein dochter van Weninck vermitz Hinrick van Voirthusen hir to oren verkoren und togelaten Mombar mit consent und beliefnisse Herman Roirdinx ors mans heft sich hofhorich gegeven na den gude Roirdinck und heft oir hoffrecht gewonnen.

**pag. 362** -(1558) Alit ein dochter van Elverdinck echte husfrowe Gerdes to Lintom vermidtz Hinrick van Voirthusen hir to oren verkoren togelaten Mombar mit consent oirs mans vurgemelt heft sich hofhorich na den gude to Lintom idoch op behorlich wederwessel bij verdrach mit den Drosten gegeven und hebben beide oir hoffrecht verwaret.

**pag. 377** – (1559) Johan Tenckinck die olde vermits Hinrick van Voirthuisen sinen vergonten und togelaten voerspraken vraget eins gerechten ordels offe ein hoeffman ertides vergunt hedde beneven des hoeffmans guide ein huis tho timmeren, off dan oick datselve huis nha doedt des ersten vergunten besitters die doch sunder nalatende rechte echte gebuerte den hoff tho Miste gehorich /: als bewislich /: gestorven, wedder fallen soll an den selven hoeffman oder niet.

Idt ordel bestadet an Johan Hemminck und will sich hirup beleeren so hie und die hoffluide itzunt sulx niet wissen sint; und soll dat ordell in brengen then nechsten hoeffgericht.

**pag. 378** –(1560) Gese Gerwerdinck und Mechtelt oer dochter mit g. und consent des heren sich verwesselt van alsodaner hoffhoricheit zie biss her tho den hoeffheren verwant sint gewest und sinnen voer die wedderwesselunge ingetreden und angenomen voer die vurs. Gese gerwerdinck die moeder, Berte ten hovess echte dochter Johan ten Santberge Griete sinder huisfr. und voer Mechtelt die dochter koene echte dochter Gert Rordinck uth dem kerspell van Grolle und Mette ten Wiedekamp sinder huisfr.

Gert ten Swartenkotte op g. des heren gehilicket an Lubbrech Kloovers echte dochter Bernt Cloovers Brunckhorst horich.

Wilhm Gerbeldinck uth der echte gehilicket op g. des heren an Nise echte dochter Joesten und Biken Gielinges min vrouw van Coesfelt tinsich

**pag. 395** – (1561) Jenke Rostes echte dochter Wessel und Deve sin huisfr. ein echte dochter van Bomfelt verwesselt voir Trine Kosters ongehilickt maget vide Wesselbrief.

**pag. 399** – Johan Tenckinck die olde wacht und warth des ordels bestadet an Johan Hemminck. Johan Hemminck secht dat hie des ordels halven uthgewest und sin diligentie derhalven angewert averst nit abgeferdigd als recht is und sich behoirt, wil wen hie afferdough kriecht na behoren om sin belerong te erlangen, furwenden.

**pag. 426** – Stine Scheinx echte huisfrowe Johan Leverdings vermidts Johan oren man und hir to verkaeren Mombar heft sich uth oren vrien willen na den erf und gute Leverdinck dem Huse Brefort hofhorich gegeven und op ore sonst lange gehatte vreiheit vertugen als recht is. Und is verdragen dat orer kinder ene, so hem Godt geven mach, van die erste of anderde geboorte nae oren koer in stat der moder weder vrijs sin soll und bliven, gelick of datselfige van een vrijmoder geboren were.

Actum voir den drosten Jacob van der Capellen, sulx bewillende , in beiwesen des Rentmeesters Johan Dienberch und des Schrivers Engelbert Holst(ein) den XX<sup>en</sup> Julii Anno (XV<sup>C</sup>.) LXIII.

**pag. 427** - Ick Jacob van der Capellen Droste to Brefort do kondt und bekenne overmidts dussen besiegelden brief voir mij und min nakomlingen, dat ik in namen und uth bevell des edelen und walgeboren hern Diderichs van Brunckhorst und Batenborch hern to Anholt Bannerhern to Baer und Latum Panthern to Brefort etc. mit die edele und walgeboren werdigen und ersamen Ermgart Gravin ten Retberge Pravestin und sempliche Capitel des vrij edelen und weltlichen Stifts Vreden eine genochliche wessel gehalden und van oir G. und L. tot behoef des huses Brefort in hoffhoricheit ein vrouwes persoen genant Jenneken Brorinx Tonis und Gesen Brorinx echte dochter, geboren van welgemeltes Capitels gute Brorinck gelegen in den kerspel van Wenterswick in die burschap Raethman ontfangen hebbe, dair voir ick als droste in namen und uth bevel wie baven in gelicker hoffhoricheit to ener rechten wederwessel walgemelter Pravestin und Capittel avergegeven und avergewieset hebbe Jenneken

Gesinck Johan und Marie Gesincx echte dochter geboren van des huses Brefort hofgude Gesinck gelegen in den kerspel Wenterswick in der burschap Medeho und gelave demna voir mij und mijn nakomenden Amptluden des huses Brefort deser wesselunge te waren und recht warschap te doen wie man sulches na gebruik dieses ortes und to lantrecht

**pag. 428** – behoirt und schuldich is to doen sonder argelist des in oirkondt der warheit hebbe ick Jacob van der Capellen Droste upgemelt min segel an desen brief gehangen int jaer onses hern 1563 ahn 21<sup>n</sup> dach Septembris.

Anno 1563 den 15. Octobris heft die droste Jacob van der Capellen in statt und van wegen unses edlen L. hern etc. vrij, lois und ledich gelaten und gegeven Wilhm Onnekinck wonende in den dorpe to Wenterswick van alsolcher hofhoricheit darmit hie sunst lange den huse Brefort bewant und verplicht gewest is, und heft dair voir und in sin stede to ener rechter wederwessel in gelicken horicheit tot behoif des huses Brefort ontfangen Johan ten Bussche wonende in den kerspell van wenterswick in der burschap Raitman, die sich voir und in statt Wilhms vurs. dem huse Brefort hofhorich gegeven heft und gelavet diesem na voir hem und sin nakomlingen obbemelten Wilhm diese wie vurs. towaren und warschap to doen als recht is, na diese ort landes gewonte und gebruick sonder argelist.

**pag. 429** - Bernt echte huisfrowe Wolter Huninx genant ter honnepe vermidtz Wolter vurs. oeren man und hir to verkoeren mombar heft sich uth horen vrien willen na den erf und gude ter Honnepe dem huse Brefort hofhorich gegeven und up ore sonst lange gehatte vriheit vortegen als recht is.

Hiertegens heft die Droste Jacob van der Capellen vrij, qwiet, lois und ledich gelaten und geschulden Deven echte dochter Meijne Huninx und Trinen siner seliger huisfrowen van alsolcker hofhoricheit dairmede zie dem huse Brefort sunst lange verplichtet, verbonden en togedan gewest is, also dat Deve vurs. sich nu voirtan soll geven, kerent und wenden mogen in wat echte of rechte hoir lusten und beleven soll, dair voir die Droste vurs. obgemelte Bernt Wolters vurs. huisfrouwe tot behoff des huses Brefort ingelicker hoffhoricheit entfangen heft undt gelaeft

**pag. 430** – diesem nae berorten Deven voir hem und nakomenden Drosten und amptluden diese wie vurs. ein waer to sin und wairschap t doen wie dieses ort landes behoirlick und gebruichlich is. Actum in biwesen des Rentmesters Johan Dienberch und des Schrievvers Engelbert Holsten den XX<sup>n</sup> Julii A<sup>o</sup> (XV<sup>C</sup>.) LXIII.

Anno (XV<sup>C</sup>.) LXIII. den XXIII Julii heft die droste Jacob van der Capellen Peter echten son seligen Wernner Stortelmans und Gesken siner husfr. voir und up na benante wederwesselunge van den hofhoricheit des huses Brefort vrij qwiet loes und ledich gelaten und gegeven also dat hie sich nu vortan soll mogen ergeven, kerent und wenden in wat echte of recht hem believen soll, und deses gelaeft ein waer to sin na deses orts landes gebruick und heft dairvoir to einer rechter wederwesselonge in geliker hofhoricheit tot behoeff des huses Brefort entfangen Bernt ter

**pag. 431** – Dunnewick wonende opten erff und gude Dunnewick diewelch isch voir Peter vurgemelt mit sinen vrien willen uth siner vriheit hofhorich gegeven heft voir den Drosten vurgemelt in bewesen des Rentmesters Johan Dienberg und des Schrievvers Engelbert Holstein. die quo supra.

Richter Frederick Rasehorn, Kornoten Hartlieff Welinck und Engelbert Holstein den IX Augusti A<sup>o</sup> (XV<sup>C</sup>.) LXIII. In den selven gerichte heft Elske echte dochter Gert Roirdinx genant Blome und Metten siner huisfrowen vermidtz Tonis van Asten hir to oren verkaren und togelaten Mombar uth oren vrien willen und uth oren voirbedachten beraede orer sonst lange gehatter vriheit afgestanden und dem huse

**pag. 432** – Brefort voir Metten, seligen Wernner Stortelmans und Gesken siner huisfrowen echte dochter sich hofhorich gegeven des hofrechten wie andern tho geneten und tho misgelden, und heft ock vermidtz oren mombar vurg. derselven orer vriheit renuntiert und vertegen als recht is.

die quo supra heft die Droste Jacob van der Capellen Metten echte dochter seligen Wernner Stortelmans und Gesken siner husfr. vrij qwiet lois und ledich gelaten und gegeven van alsolcker hofhoricheit dairmit zie sonst lang dem huse Brefort plichtlich und togedaen gewest is, also dat zie nu voirt an sich soll mogen kerent geven und wenden in wat echte und rechte oir believen soll und heft dair voir in gelicker hofhoricheit to ener rechter wederwesselonge tot behoeff des

**pag. 433** – huses Brefort ontfangen Elsken echte dochter Gert Roirdinx genant blome und Metten siner husfr. diewelck sich dem huse Brefort hofhorich gegeven heft. Und gelaeft diesem na berorter Metten Stortelmans dieses wie vurs. na dieses ort landes gebruick ein waer to sin.

**pag. 434** – Richter Frederick Rasehorn, Kornoten Hinrick Wedelinck und Bernt van Trier den XXIII. August A<sup>o</sup> (XV<sup>C</sup>.) LXIII.

Gese ten Gantenfort echte huisfrowe Hinricks Wolterinck heft sich mit den selven oren man und hir to sonderlinx verkaeren und to gelaten mombar dit selve mede bewillende, uth oren vrien willen und voirbedachten berade den

huse Brefort na den erff und guet Wolterinck hofhorich gegeven also dat zie nu voirtan des hofrechten sall und mach geneten und misgelden gelick andere des huses Brefort hoffhorige lude.

Ick Jacob van der Capellen Droste to Brefort in namen und van wegen des edelen und walgeboren herrn Diderichs van Brunckhorst und Batenborch hern to Anholt Bannerhern to baer und Latum Panthern to Brefort etc. do

**pag. 435** – kondt und bekenne voir mij und min nakomende amptluden wie dat iok uth lofwerdigen bericht vernomen und verstaen dat tusschen die edele und walgeboren Ermgart Gravin van Lijmborch und to Bronckhorst weduwe frowe to Styromb, Wijsch und Borkelo etc. und wilhne den erentvesten und fromen Johan van Isendoern der tadt Drosten to Brefort bij sinen leven ene wesselonge oder qwit scheldonge navolgende maneren gemaekt, opgericht und beider siedts allenthalven ingewilligt worden ist, also dat oir G. churmodische persone genant Gese echte dochter Gerts ten Gantenfort und Truden siner husfrouwen up des huses Brefort hofgudt Wolterinck gelegen in den kerspel van Alten in der burschap Barle gekommen und gehilickt derselfster orer churmodicheit vrijgelaten und van oir G. qwit geschulden is, und dair na sich na den vurgemelten hofgude Wolterinck hofhorich gegeven dair

**pag. 436** – tegen oir G. ene des huses Brefort gewesen hofhorige personen genant Maria seligen Henricken Wolterinx und Hermanne siner husfrouwen echte dochter tot churmodigen rechten weder entfangen und avergegaen und deselfster orer hofhoricheit van gedachten Drosten Isendorn qwigescholden und vrijgelaten worden ist. Diewile aver hir van noch ter tadt gein siegell und brieff gemackt und damit dan beider siets parthien verwart sin mochten, hebbe ick Jacob van der Capellen Droste vurgemelt der vurbenanter Mariam verlaten und dair tegens in hofhoricheit die vurs. Gese widerumb angenomen, des in oirkonde der warheit hebbe ick min siegel an diesen brieff gehangen den XXIIII dach Augusti Anno (XV<sup>C</sup>.) LXIII.

**pag. 437** - Ick Jacob van der Capellen Droste to Brefort in namen und van wegen des edlen und walgeboren hern Diderichs van Brunckhorst und Batenborch hern to Anholt, Bannerhern to Baer und Latum, Panthern to Brefort etc. mins edelen lieven hern , do kondt und bekenne voir jedermenlichen dat ick als Droste vurs. mit den erentvesten und Fromen Heiderrick Droste, droste tho Horstmar und Ahuis etc. ein bute und wesselinge geholden hebbe, also dat ick voor mij und min nakomenden Drosten hem als drosten vurgemelt und mit hofhoricheit avergegeven und avergewiset hebbe Johan Mirdinck echte sone Egberten Mirdinx und stinen siner huisfrouwen, geboren vanden hofgude Mirdinck gelegen in den kerspell Wenterswick in der Woltburschap und hebbe dair voir in und mit geliker hofhoricheit tot behoef des huses Brefort in ener rechter wederwesselunge  
**pag. 438** –und ahem ontfangen Hinrick tesinck echte sonn Lambert Tesinx und Greten siner husfr. geboren van den erff und gute tesinck gelegen in den kerspell Ransdorp in der burschap Holthusen, und gelave diesen nach voor mij und min nakomenden Drosten und Amptmans te Brefort deser wesselungh ein war te sin und warschap to doen wie sulches na dieses orth landes gebruick und rechte behoren soll, allent sonder argelist. In oirkondt der warheit hebbe ick Jacob van der Capelle Droste upgemelt minen siegel an diesen brief gehangen den sexten dach des maents Novembris A<sup>o</sup> 1564.

**pag. 439** – Richter Frederick Rasehorn, Cornoten Hartlief Welinck, Johan Rotgers den VI. Septembris A<sup>o</sup> LXV. Nale Vockinx echte Dochter seligen Bernt Vockinx und Nalen siner husfrouwen in bijwesen und mit wetten wille und beliefnisse oirs mans wessel ten Santhovel und in dieser sachen oren verkaren togelaten Mombar heft sich vrijwillich uth orer angekofter vrieheit die zie luit siegel und breve van den Closter groten Burlo van data up dach Laurentii Anno 65. bekomen, hofhorich gegeven tot dem huse Brefort, dair voor Derica echte dochter Lambert Wameldinx und Guden siner husfr. van orer hofhoricheit soll van den Drosten van Brefort qwiet gelaten werden dergestalt dat zie nu voirtan des hoffrechten sall und will genieten und misgelden wo andere des huses Brefort hofhorige personen. Volget Derice vurs. vrijlatunge.

**pag. 440** –Die Droste Jacob van der Capelle heft in namen und van wegen mins edelen I. hern to Anholt etc. vrij, qwiet, lois und ledich gelaten und gegeven Dericken echte dochter seligen Lambert Wameldinx und Guden siner husfr. van alsolicher hofhoricheit dair mit zie sus lange dem huse Brefort verwant und verplicht gewest is, also dat zie nu voirtan sich mach kerent und wenden in wat echte off rechte hoir beleven sall und heft dair voor und in oir stede tot ener rechten wederwessel in geliker hofhoricheit ontfangen tot behoff des huses Brefort Nalen echte dochter s. Bernt Vockinx und Nalen siner husfr. diewelk in bijwesen und mit consent hoirs Mans Wessel ten Santhovel uth orer verkregen und angekoften vrieheit van den Prior und Convent und to groten Burlo luit siegel und breve die zie mede avergegeven heft, sich to den huse Brefort hofhorich gegeven heft und heft die Droste vurs. desem na gedaan ter Nalen deses wo vurs. steet om waer to sin und warschap tdoen als recht is na dieses ortes gebruick und gewonte sonder argelist. Actum den VII. Septembris A<sup>o</sup> (XV<sup>C</sup>.) LXV.

**pag. 441** – Richter Frederick Rasehorn, Kornoten Hartlieff Welinck und Engelbert Toben den XVI. Aprilis A<sup>o</sup> (15) 65.

Mette echte Dochter z. Gerdt Wassinx in Caten und Jenneken sin husfr. heft vermidts Wilhm Hartliefs hir to oren verkaeren und togelaten mombar uth oren voirbedachten beraet und frien willen sich to dem huse Brefort hofhorich gegeven to ener rechten wederwessel voir Trinen echte dochter Johan Tenckinx und Nalen siner husfr. die dair voir avergegaen und der hofhoricheit vrij gelaten is worden und Mette vermidts oren mombar vurs. soll nu vortan des hofrechten genieten und misgelden gelick andere des huses Brefort horige lude, renuntierende uthdrucklich up alle beneficien, waldaden gonsten und vriheiden der rechten so hier en tegen to stade kommen off voirgenomen mochten werden. Allent sonder argelist.

Volget hirop Trinen vurg. Vrijbrief

**pag. 442** - Ick Jacob van der Capellen Droste tho Brefort do kondt und bekenne in und vermidtz diese besiegelden brief voir mij und min nakomenden Amptlude, dat ick in namen und van wegen des Edelen und walgeboren hern Diderichs van Brunckhorst und Batenborch hern to Anholt, Bannerhern to Baer und Latum Panthern to Brefort etc. mins edelen lieven hern hebbe vrij, lois und ledich gelaten, vrij, lois, ledich late und geve in craft dieses briefs Trinen echte dochter Johan Tenckinx und Nalen siner husfr. van alsolcker hofhoricheit dair mede zie sus lange dem huse Brefort bewant und verplicht gewest is, also dat zie sich nu vortmer soll mogen keren und wenden in wat echte off rechte hoir beleven soll und hebbe dair voir und in oir stede tot ener rechter wederwesselungh in gelicker hofhoricheit tot behoef des huises Brefort ontfangen Metten echte dochter Z.. Gert Wassinx und Jenken siner husfrou-

**pag. 443** - wen die sich voir oir und in stede Trinen vurgemelt dem huse Brefort hoffhorich gegeven heft, und gelave diesem nae voir mij und min nakomlingen bemelter Trinen dieses wo vurs. ein waer te sin und warschap t doen als recht is nae dieses ort landes gewonte und gebruck, allent sonder argelist. Dess in oirkondt der warheit hebbe ick min Siegel an diesen brief gehangen den 16. Aprilis Aº (15)65.

Is te weten und is bescheiden dat Trinen vurs. twe kinder als voir datum dieses briefs geboren, geheten Hinrick und Bernd sollen dem huse Brefort hoffhorich sin und bliven.

**pag. 445** Ick Jacob van der Capellen Droste to Brefort do kondt und bekenne voir mij und min nakomlingen, dat ick in namen und van wegen des edelen und walgeboren hern Diderichs van Brunckhorst und Batenborch hern to Anholt, Bannerhern to Baer und Latum Panthern to Brefort mins edelen lieven hern hebbe vrij, quiet, lois und ledich gelaten, vrij, quiet, lois und ledich late in craft dieses briefs Lisken echte dochter Bernts und Jenneken ten Borninckhoff van alsolcker hofhoricheit dair mede zie sunst lange dem huse Brefort bewant und verplicht gewest is, also dat zie nu voirt an sich soll keren, wenden und geven mogen in wat echte off rechte hoir believen soll und hebbe dair voir und in oir stede in gelicker hofhoricheit ontfangen to ener rechter wederwesselunge und bute tot behoef des huises Brefort ontfangen Bele Peppincks, nu wonende upt Seggetfre die sich voir und in stede Lisken vurs. dem huse Brefort hoffhorich gegeven heft, und gelave diesem nach voir mij und nakomenden Amptluden bemelter Liesken dieses wo vurs. ein waer te sin und warschap t doen als recht is nae dieses ort landes gewonte und gebruck, sonder argelist. dess in oirkondt der warheit hebbe ick Ampts wegen min siegel an diesen brief gehangen den letzten dach Julii Aº 1565.

**pag. 446** – Richter Frederick Rasehorn, Kornoten Johan Rauwert Jaspar Kulmans den 2. Novemb. Aº (15)66 Elske ten Cloister selig. Herman van Soest und Stinen ten Cloister dochter vermidts Gert Rotgers hir to oren verkaren toegelaten mombar heft sich ongedwongen und ongedrongen vrijwillich uth orer vriehet hofhorich dem huse Brefort gegeven des hofrechten to genieten und to misgelden als andere des huse Bregfort hofhorige vrouwespersoen.

Und heft die Droste van Brefort Jacob van der Capellen in stadt mins edelen lieven hern to Anholt etc. als panther tho Brefort hir en tegens vrij qwiet lois und ledich gelaeten und geschulden Stine Elkinx /: die voir hen vor Jenneken Roirdinx Wernner Elkinx husfrouwen an dem huse Brefort verwesselt gewest :/ van alsolcker hoffhoricheit dair mit zie /: Stine vurs :/ dem huse Brefort togedaen und verplichtet gewest

**pag. 447** – is, und diesem nae gelaeft voir hem und sin nakomenden Amptluden berorter Stinen dieser orer vurs. gegevener vriehet ein waer te sin und warschap to doen, als na dieses orth landes gebruck und gewonte behoirt; sonder argelist. Actum ut supra.

**pag. 448** - Ick Jacob van der Capellen Droste to Brefort in namen und van wegen des edelen und walgeboren hern Diderichs van Brunckhorst und Batenborch hern to Anholt, Bannerhern to Baer und Latum Panthern to Brefort etc. mins edelen lieven hern do kondt und bekenne voir mij und min nakomenden Amptluden, dat ick in stadt und van wegen walgedachtes hern hebbe Kerstgen Boenck, echte Sonn seligen Wernner Boenx und Marien siner husfr. vrij, quiet, lois und ledich gelaten und gegeven, vrij, quiet, lois und ledich late und geve in kraft dieses briefs van alsolcker hofhoricheit dair mit hie sus lange dem huse Brefort plichtich und togedaen gewest is, also dat hie nu voirtan sich soll mugen keren und wenden in echte off rechte hem beleven soll und hebbe dair voir van den werdigen und religiosen hern Prior Procurator und Convente to Schaer to ener wederwesselunge tot behoef

des huses Brefort weder ontfangen Herman ter Maet genant Klump naturlike Sonn Johans ter Maet und Belen to Schaer in

**pag. 449** - alsocher horicheit dairmit hie dem Convente bisher verwant und verplicht gewest is, und gelave diesem nae berorten Kerstgen Boinx diese wo vurs. steit na dieses ort landes gebruck und gewonheit warschap to sin und t doen sonder argelist, dess in oirkondt der warheit hebbe ick Droste vurs. min siegel an diesen brief gehangen die gegeven is up dach Lucie Virginis et martyris Anno 1566.

Noch up dach vurs. heft die Droste vurs. in stadt onses edelen lieven hern vrij qwiet, lois und ledich gelaten und gegeven Jenken echte dochter Tonis Brorinx und Gesen siner Huisfr. /: die welke voir hen Capitel Vreden an dem huise Brefort gewesselt is worden : van alsolcher horicheit dairmit zie sus lange dem huse Brefort plichtich und toegedaen gewest is, also dat zie nu voirtan sich soll mugen keren und wenden

**pag. 450** – in wat echte off rechte hoir believen soll und heft dair voir in rechter wederwesselunge tot behoef des huses Brefort van Prior Procurator und Convente to Schaer ontfangen Jenneken echte dochter Hinrix ter Horst und Herman siner huisfr. in alsocher horicheit dairmede zie dem vurgemelte Convent bis anher verwant und verplichtet gewest is, und gelaeft diesem na berorten Jenneken Brorinx dieser orer vriheit wo vurs. steit warschap to sin und t doen als na dieses orth landes gewonheit gebrucklich und behorlich is sonder argelist.

**pag.451** - - Ick Jacob van der Capellen Droste to Brefort in namen und van wegen des edelen und walgeboren hern Diderichs van Brunckhorst und Batenborch hern to Anholt, Bannerhern to Baer und Latum Panthern to Brefort etc. mins edelen lieven hern do kondt und bekenne dat ick in stadt walgedachts hern ein landtsedeliche wesselunge und bute gehalden hebbe mit der Erwerdiger Edeler walgeboren und werdigen Frowen Margareta geboren gravin to Honstein Pravestin und samptlichen Capittel des vrij weltlichen Stifts Vreden, also dat ick oir G. und W. to ener wesselunge avergewieset und togestelt hebbe eine bis an des huses Brefort hofhorige persone genant Bele Gesinx Wernner Gesinx und Marien siner huisfr. echte dochter geboren van des huses Brefort hofgudt Gesinck gelegen in den kerspel Wenterswick in der burschap Medeho, so die up walgedachter Pravestin und Capittel erff und gudt Brorinck in der burschap Ratman ehlich bestadet ist worden, und hebbe dair voir und jegen van Pravestin und Capittel vurs. angenommen und ontfangen in hofhoricheit tot behoef des huses Brefort Nalen Hunders Z. Hinrix und Wiilhelme Hunders echte dochter die uptoen vurs. Brefortsch hofgude Gesinck ehelicher bestadet und gebracht is worden, also und dergestalt dat gerorte

**pag. 452**- Bele sich nu voirtan na des Capitels vurs. und dair iegens Nale Hunders sich nu henforder na dem huse Brefort richten und holden sollen und willen, und gelave diesem nach voir mij und mijn nakomenden Amptluden wolgedachter Pravestin und Capitel fulkommen warschap to doen als na dieses ortes landtsedelichen gebruck behoren soll sonder argelist, dess in oirkondt der warheit hebbe ick ampts wegen min siegel an diesen brieff gehangen die gegeven is den XXI. dach Januarii Aº XV C LXVII

**pag. 453** – Richter Frederick Rasehorn Kornoten Herman Evers Johan Lairberch actum den IX<sup>n</sup> Octobris Anno LXVII.

Grete echte huisfrowe Wilhm Roix durch Wilhm oren man und hir to verkaren und togelaten mombar, heft sich mit consent und beliefnisse desselven Wilhms ors mans vurs. vrijwillich ongedwongen und ongedrongen uth orer vriheit hofhorich to dem huse Brefort gegeven des hofrechten gelick andere hofhorige vrouwen desselven huses vurs. nu vortan to geneten und to misgelden sonder argelist.

Hirtegens heft die Droste Jacob van der Capellen in stadt onses edelen lieven hern in kraft siner Edelh. Pantschap vrij, qwiet, lois und ledich gelaten und geschulden Annen echte dochter Derick Roix und Webben siner huisfr. van alsolcher hofhoricheit dairmit zie sunst lange dem huse Brefort bewant und verplicht gewest is, und hefft dair vor und in oir stede tot behoef des huses Brefort to ener wederwesselunge in gelicker hofhoricheit ontfangen

**pag. 454** – Greten echte husfrowe Wilhm Roix vurs. und diesem na gelaeft voir hem und sin nakomenden Amptluden bemelter Annen deser overgegevener vriheit und quietgelaten hofhoricheit ein waer to sin und warschap te doen als recht is na dieses orth landes gewonte und gebruck sonder argelist. Actum die et Anno quibus proxime supra.

**pag. 455** – Anno dusent vifhondert seven und viftich den achten dach Novembris heft die Droste Jacob van der Capellen in statt und van wegen onses edelen lieven hern hern tot Anholt in craft siner Edelh. pantschap des huses und herlicheit Brefort mit den werdigen und religiosen hern Arnoldus Pravestinck und gemein Conventuals hern des klosters to groten Burlo ein genochliche bute und wesselungh gehalden, Also dat sin L. in namen wie baven berorter Prior und convent overgegeven und avergewieset heft Metten echte dochter Herman Rordinck und Webben siner huisfrowen in und mit sodaner hofhoricheit als sie dem huse Brefort bis her tho verplicht und togedaen gewest is, dair voir gedachte Droste in und tot behoeff des huses Brefort van berorten Prior und Conventualen to enen weder aem ontfangen heft Fennen Vedderinx echte dochter Hinrix und Eklsken Vedderinx und heft die Droste vurs. desem na voir hem und sin nakomende Amptlude des huses Brefort gelaeft desen

vurs. bute und wesselung to waren und warschap t doen wie solx na deses orth landes gebruklich is und behoren sall sonder argelist.

**pag. 456** – Richter Frederich Rasehorn Kornoten Adrian van Erde Thies Paelendet, den XXIX.<sup>n</sup> Martii A<sup>o</sup> (XV<sup>C</sup>.) LXVIII

Hille Beieren echte huisfrowe Bernts Simmelingink mit consent und verwilligungh Bernts vurs. oren man und her to oren verkaren und togelaten mombar heft sich vriwillich ongedwongen und ongedrongen uth oren ripen voorbedachten beraidt uth oir vriheit hofhorich gegeven dem huse Brefort des hofrechten tgeneten und tmisgelden gelick und als andere hofhorigen des huses vurgemelt doen jedoch so Hille vurs. bij Bernt oren man vurs. voir dato van diesen vier kinderen getelt und gehat heft, mit namen Wilhm, Johan, Berndt und Liesken, dat dieselven vrij sin und bliven sollen.

It. voir Hille vurs. heft die Droste Jacob van der Capellen in stadt onses edelen lieven hern van Anholt etc. in kraft siner Edelh. pantschap van Brefort voir ein wederwesselunge vrij quiet lois und ledich gelaten und geschulden Jenken echte dochter Lubbert Tenckinx und Guden ten Kreil siner echten huisfr. van alsolcher hofhoricheit dair mede zie sonst

**pag. 457** – lange dem huse Brefort bewant und verplicht gewest is, und gelaeft voir hem und sinen nakomenden Amptluden bemelter Jenneken desser orer angeworffener vriheit ein waer to sin und warschap t doen als na dieses ort landes gewonte und gebrück behoirt und recht is sonder argelist. Actum et datum ut supra.

Ick Jacob van der Capellen Droste to Brefort in namen und van wegen des edelen und walgeboren hern Diderichs van Brunckhorst und Batenborch hern to Anholt, Bannerhern to Baer und Latum Panthern to Brefort etc. mins edelen hern, do kondt und bekenne in und vermidts desen apenen besiegelden brief dat und also Agnes Tomas nu ter tadt echte huisfr. herman roirdinx vermoge des hofboix ut horen angeboren vriheit sich na den hofgude Roirdinck hofhorich dem huse Brefort gegeven und hoir hofrecht gewonnen heft mit beger so Godt kompstich hoir dochtere

**pag.458** –gegeven worde, dat ener derselver weder vrij mocht werden, und ich dan verstae und berichtet bin worden solx behorlich sij, und zie beiden dan twe hofhorige dochteren getellet etc. hebbe ich demnae in stat walgedachtes hern voir mij und nakomenden Amptmans in und to enen wederwesselunge eine derselver orer dochter genant Anna uth der hofhoricheit vrij, quiet, lois und ledich gelaten und gegeven, doe dat ock in kraft dieses briefs, also dat Anna vurs. sich nu voirtan sall mugen keren und wenden und geven in wat echte off rechte hoir kompstich beleven sall und gelaeve diesem nae, voir mij und min navolgenden amptmans deser vurs. wesselunge und vriheit ergemelter Annen ein waer tsin als nae dieses ort landes sedelich und gebrucklich is, und behoirt, sonder argelist, des in oirkont der warheit hebbe ick Jacob van der Capellen Droste vurs. min siegel an diesen brief gehangen den XXIII<sup>n</sup> decembris A<sup>o</sup> (XV<sup>C</sup>.) LXVIII.

**pag. 467** – Richter Frederick Rasehorn, Cornoten Wilhm Lebbinck und Herman Toben op Maendag na Laurentii A<sup>o</sup> (XV<sup>C</sup>.) LXIV

Margareta echte dochter Johan Schulten Eilerdinck und Gesen siner echter husfr. heft vermidtz Johan oirs vader vurs. hir to oren verkaren und togelaten mombar mit consent Johan Onnekink des jongen oirs echter mans sich hofhorich naden erff und hofgude Onnekink tot dem huse Brefort uth oren frien willen gegeven des hoffrechten to geneten und to misgelden gelick andere des huses Brefort hofhorige vrouwen und heft enen vribrief gethonet dairin zie sich frij gecofft heft van oren gehatten egdom van den erentvesten und dogensamen Annen van Oer wedewe seligen Hinrich van Diepenbrox to Bulderen mit Siegel ors Sons Rotger van Diepenbrox besiegt.

**pag. 469** – Hoffgerichte gehalden an des Rosenhuis up dach Divisionis Apostolorum Anno LXVI.  
Hofrichter Frederich Rasehorn, Tegeders Egbert Mierdinck Herman Roirdinck.

Egbert Rauwerdinck heft sin hofrecht verwart und heft voirt uth der handt upgedragen und avergegeven sinen kinderen alle sin erftalige und gereide gudt als hie binnen den dorp und kerspel wenterswich heft und hem angeerft is of kompstich kriegen und anerfen mach und heft desselven in und tot behoif siner kinder vurs. erfliche vertichenisse und uthganck gedaen, daran nu vormer generlei recht gerechticheit off ansprake to behalden noch verwachtende t sin, und gelaeft dieses warschap und noch vorder und better vestenissee t doen, als recht is beholtlich den hern siner gerechticheit onverkortet sonder argelist.

**pag. 492** –In vurs. hofgerichte (1567) heft Tonis Frerix fulmechtich siner suster Gertgen Frerix eins gerechten ordels na hofrechte gefraget dair ein hofhorige persoen mit consent des hofhern an enen frien man hilicket und twe kinderen als ein sonn und ein dochter tsamen hebben gewonnen und geworffen, und die moder derselver kinder stervet, eer die kinder sterven, und die beide kinder sterven dair na ock na der moder doet und die vader blift levendich etc.

Ist die frage wes dem hofhern van der vurs. verstorven hofhorige moder und oren twen kinderen tokomen mochte, vererfte und verfalle up der vurs. kinderen noch levenden vader, wesende ein vrijman off up der verstorven hofhorige vrouw en kinderen negeste hofhorige bloitz verwanten.

Dit ordell is bestadet an Tegeder Herman

**pag. 493** – Roirdinck und heft des bedingdes ordels vurs. afschrift begert omb sich dairop an den negestkomenden hofdach tho Stadtloen to beleren bij also dat hem mitler tadt na behoir die wech gewesen werde.

**pag. 495** – (1568) Assele Reesfoirtz so zie uth der echte gehilickt up genaden vergangen jair to boick gestalt heft sich nu nochmals durch fandonge des pestes vernoithschinigen laten, ergo uthgestalt.

**pag. 516** – Droste und Richter Jaspar van Brockhusen Kornoten Hartlief Welinck Herman Toben den VIII. Julii Aº LXX

Luicke Wennerdinck heft uth sinen frien willen sich hofhorich gegeven dem huse Brefort, des hofrechten to genieten und to misgelden als andere des huses Brefort hoflude doen.  
Und heft die Droste hir voir und tegens als ein rechte wederwesselunge vrij quiet und lois gelaten und gescholden Hinricken Werner Gesinx und Merrien siner huisfrowen echten Son van sodaner hofhoricheit dairmit hie dem huse Brefort sonst lange verplicht und togedaen gewest is, Also dat hie sich soll mugen keran und wenden in wat echte und rechte hem believen soll.

**pag. 524** – (1570) Derick ten Gussenclo bij consent des hern uth der echte gehilickt an Bernt echte frie dochter Reiner Hoickinck und Heilken sin husfr. bij also dat Bernt sin huisfr. vurs. frij blift und heft sin hofrecht verwaret, des is ock verdagen dat ein van oren beiden kinderen als dat tot sin mondicheit gekomen na de gude Gussenclo sich hofhorich geven soll.

**pag. 525** – Droste und Richter Jaspar van Broickhuisen Kornoten Johan Dienberch Johan Stalknecht up dach divisionis Apostolorum Anno LXX.

Hinrica echte dochter Johans Oelthuis und Gesen siner huisfrowen in Raetman heft sich in bijwesen und mit consent und verwillingungh derselver ors Vaders und moders vermidts Johan oren vader vurs. hir tho oren verkaren togelaten Mombar frijwilliglich uth orer angeboren vriheit hofhorich dem huse Brefort gegeven des hofrechten to genieten und to misgelden als andere des huse Brefort hofhorige personen und gelaeft deses stede und vast onwederrooplich in werden tholden sonder argelist.

Hierentegens heft die Droste vurs. vrij, quiet, lois und ledich gelaten und geschulden Stinen echte dochter Herman Tenckinx anders genant Kemp Herman und Jenneken siner huisfr. van alsolcher

**pag. 526** – hofhoricheit dair mit zie dem huse Brefort sonst lange verplicht und togedaen gewest is, puirlich omb Godtz willen, dat zie sich in gislischen stand in den kloister genant hern Gertz Closter binnen Deventer ergeven, erholden und bliven soll, und bij also so zie sich weder uth den geislischen stand ergeven und verlaten worde, dat zie dan weder hofhorich sin und bliven soll na wie voir, und heft der Droste vurs. voir hem und sinen nafolgenden Amptluden hierup wie vurs. stehet deser frijlatungh na deses orth landes brukick warschap gelaeft. Sonder argelist.

**pag. 527** – So Gert Stortelers echte Sonne seligen Werner Stortelers und Gesken siner huisfrowen uth der echte gehilickt is an ein frie persoen genant Mette Konekens echte dochter Kone Konekens und Metten siner huisfrowen, heft hie sich der ungehorsamheit halven mit den Drostes Jaspar van Broickhuisen in statt unses edelen lieven hern to Anholt etc. verdragen und desselven sins mishilicens afdracht gedaen und gemacht voir ein summa geldes wie sie des mit den anderen eins geworden und verdragen hebben, dess ist mede bescheiden und verdragen dat einer van oren kinderen so sie tsamen winnen und tellen werden na afluivicheit des vaders in sin stede sich na dem gude Smeinck gelegen in die buirschap Miste dem huse Brefort hofhorich geven soll und des hofrechten geneten und misgelden als andern hofhorige liuide des huses Brefort doen, sonder argelist den 4. Novembris Anno 70.

**Pag. 533** – Herman ten Hagen so hie Aº 69 nit erschenen dan Aº 70 sich presentirt pretendirende dat hie darmit bestaen soll kunnen, hebben darup die Tegeders und hoflude gesagt, dat dardurch gien contumacie uperlacht mach werden, dairup die Droste in contrarium sustinirt solx gin hofrecht to sin.

**Pag. 534** – Derick Willinck genant Onnekink als man und mombar Grete Illerdingks gewesen huisfrow z. Johan Onnekink des jongen heft ein schriftliche materie ingelacht und darup eins rechte ordels na hofrecht gefraget. Bestadet an Gert Bolinck ten nechsten erf of hofdach aftowisen so mogelich.

**Pag. 538** – Droste und Richter Jaspar van Broickhuisen, Kornoten Goschalck Goschalx Johan helsen den XXIII Julii Aº LXXI.

Bernhart naturliche dochter selige Johan Schulten heft vermitz Johan Rauwert oren hir to verkaren und togelaten mombar heft sich friwillichlich uth oren bedachten beraet dem huse Brefort hofhorich gegeven, des hofrechten to geneten und to misgelden als andere hofhorige personen doen und gelaeft voir oir und oiren erven deser avergift und hofhoricheit stede und vast onwederoiplich to holden sonder argelist.

Hirentegens heft die Droste upgemelt Elsken ten Kulve echte dochter seligen Engelbertz ter Kulve und jutten siner huisfr. frij, quiet, lois und ledich gelaten van alsolcher hoffhoricheit darmit sie sonst lange dem huse Brefort verplicht und togedaen gewest is, also dat sie nu vortan sich soll mugen kerem und wenden in wat echte of rechte hoir believen soll und heft ock desen allen nha berorter Elsken deser orer vrieheit voir hem und sin nakomende Amptluden

**Pag. 539** –ein whar to sin und warschap te doen als na deses ort landes gewonheit und gebriicklich is, sonder argelist.

It. so Elske vurs. ein arme schemele persone is, heft die Droste hoir desen quietlatungh der hofhoricheit in ansien hoir die wiederwesselungh voele gekostet, gestalt und soll dem hern geven veer daler, beholtlichen und behalven amptz gerechticheit.

**Pag. 540-** Die Droste Jaspar van Broickhuisen heft in statt und van wegen unses Edelen hern tho Anholt etc. voir hem und sin nakomlingen Amptmans tho Brefort mit den werdigen und religiosen hern Arnoldus Praestinck Prior und gemeine conventionals hern des klosters tho groten Burlo sunt Bernhardus ordens gelegen in dem Stiffe van Monster in den kerspel Borcken ein genochsame bute und wesselunge gehalden dat sin L. berorten Prior und Convente avergegeven und gewiset hebben des huises Brefort sonst lange gewesene hofhorige Geesken echte dochter herman Rordinx und webben siner seliger huisfrowen in solcher hofhoricheit als Geeske vurs. dem huse Brefort verwant und togedaen gewest is, und heft die Droste vurs. in und tot behoiff des huises Brefort dair voir tot ener rechter bute und wederwesselungh ontfangen des vurs. Priors und Closters eigene tobehorige Nailken echte dochter Alberts ter mathe und Hillen siner huisfrowen in solcher eigenhoricheit als Prior und Convent vurs. die ontfangen hebben van der Erentricher Joffer Annen van Oijr wedwen van Diepenbrock tho Bulderen und heft dessen nhae die Droste vurs. deser vurs. bute und wesselungh voir

**Pag. 541** –hem und sin nakomlingen gelaeft warschap to sin und t doen als solx na deses orth landes sedelick und gebriicklich is, sonder argelist. Actum den ..... (*niet ingevuld*)

Die Droste Jaspar van Broickhuisen heft in stat und van wegen unses Edelen hern tho Anholt etc. voir hem und sin nakomlingen Amptmans tho Brefort mit der Erwerdigen Edelen und walgeboren werdigen und ersamen Provestinnen und Capitul des vrijweltlichen Stifts Vreden ein rechte bute und wesselunge gehalden dat sin L. walgemelten Provestinnen und Capitull avergewiset und avergegeven heft Gesen Mirdinx echte dochter Egbertz Mirdinx und Stinen siner huisfrowen in und mit alsolcher hofhoricheit als Gese vurs. sonst lange dem huse Brefort verplicht und togedaen gewest is, und

**Pag. 542** -heft die Droste vurs. dair voir in und tot behoiff des huses Brefort tho ener rechte wederwesselunge und bute entfangen Gesken Menekinx echte dochter geboren van den gude Menekinck gelegen in der burschap Miste, und heft desem nhae eergemelte Droste deser vurs. bute und wesselunge voir hem und sin nakomlingen Amptmans des huises Brefort gelaeft warschap to sin und t doen als solx na deses orth landes sedelick und gebriicklich is, sonder argelist. Actum den VI. Junii Aº (XV<sup>C</sup>.) LXXII.

**Pag. 544** – (1571) Gert ten Holhuis in der echte gehilickt an Corten Huninck in den kerspel van Alten up den hofgude Huninck geboren, itzender wonende in den Ampte van Bocholt in Baerle.

Albert Oinck gnant Buckelo ein frijman gehilickt an ein hofhorige persoon up den hofgude tho Buckelo genant heft sich uth sinen angeboren vrieheit na den selven hofgude Buckelo hofhorich gegeven (solvit piper et ceram)

**Pag. 545** –gegeven, des hofrechten gelick andern hofhorigen des huises Brefort te geneten und to misgelden.

**Pag. 554-** Statholder Gerichts M.Johan ter Wordt kornoten Hartlief Welinck Hermen Toben den VI<sup>n</sup> Junii Aº LXXIII Nale echte huisfrowe Hinrix ten Bernschot heft sich frijwillich ongdwongen und ongedrongen vermitz orem man vurs. mit sinen wetten und willen hofhorich dem huise Brefort gegeven des hofrechts als andern hofhorige personen desselven huises to geneten und misgelden, wair voir die Droste Jacob van der Capellen, frij quiet lois und ledich gelaten heft Alcken echte dochter seligen Bernt Bernninckhofs und Jenken siner huisfrowen van solcher hofhoricheit dair mit sie dem huise Brefort sonst lange verplichtet und verwant gewest is.

**Pag. 558** – Bij Jan van Isendorn tiden frij gelaten Grete echte dochter Z. Wernner Stortelman und Gesken uxoris dairoir sich hef hofhorich gegeven Fenne Lobeck die gestorven is en geerfdelet.

**Pag. 571** – Anno LXXIII. den XX<sup>n</sup> augusti heft die Droste Jacob van der Capellen in statt und van wegen mins edelen hern to Anholt als Panthern etc. voir hem und sin nakomende Amptmans to Brefort mit den wurdigen und rel(ig)iosen hern Arnoldus Praestinck Prior, voirt kelner und conventionalshern des klosters to groten Burlo sint

Bernhardus ordens gelegen in dem Stifte van Munster in den kerspell van Borcken ein genochliche bute und wesselungh gehalden, also dat sin L. berorten Prior und Convente avergewiset und avergegeven heft Koenen echte Soen Bernt Wilters und Elskens siner huisfrowen in und mit alsolcher hofhoricheit als Koene vurs. dem huise Brefort sonst lange togedaen und verplichtet gewest is, und heft die Droste vurs. in und tot behoef des huises Brefort tot ener rechter bute und wederwesselungh ontfangen des vurs. Priors und Conventualshern eigen tobehorigen Johan echte Soen Alberts ter mathe und Hillen siner huisfrowen in und mit alsolcher eigenhoricheit als Prior und Convent vurs. hem ontfangen hebben

**Pag. 572** - van der Erentdogensame Joffer Annen nagelatener wedwen seligen Diepenbrox to Bulderen und heft desen na, bermelte Droste gelaeft deser vurs. bute und wesselungh voir hem und sin nakomen(den) Amptmans to Brefort warschap to sin und t doen als solx na deses ort landes gebruick, behorlich und sedelich is, sonder argelist.

**Pag. 573** - Hofrichter Frederich Rasehorn bisitters Wessel Schult tho Buckelo und Hinrick Wolterinck, den 24. Novembbris Aº 73.

Johan echte sonne Bernt Grevings und Hermannen siner huisfrouwen heft sich uth sinen wal voirbedachten beraedt und frien willen mit autoriteit bewillungh und beliefnis sins vaders Bernt Grevings vurs. hir bij an und aver wesende uth siner angeborner friheit na den hof ten Ahof hofhorich dem huise Brefort gegeven des hoffrechts na natuur und arth des vurs. hofs ten Ahof to geneten und to misgelden, wie und in aller gestalt die vorige besitteren desselven hofs sonst lange gedaen hebben sonder argelist.

Und heft die Droste Jaciob van der Capellen in statt onses edelen hern to Anholt etc. Panthern etc. hirtegens frie, quiet, lois und ledich gelaten Engelbert.....(achternaam niet vermeld) van alsolcker horicheit dair mede hie sonst lange dem huse Brefort togedaen und verplichtet gewest is, also dat Engelbert vurs. sich soll mugen keran und wenden in wat echte

**Pag. 574** – und rechte hem believen soll und die Droste vurs. heft Engelbert vurs. warschap to sin desen vurs. friheit als na deses orth landes behorlich und gebruicklich is gelaeft sonder argelist. Actum ut supra.

**Pag. 577** – (1574) Gertgen Sijmmeldinck vrij persone gehilickt an Arndt Gesinck uptoen hofguidt Gesinck beklaget sich dat oir man in notwendige gescheften om ein verloren perdt na to barcken (= Borcken) utheimischen vertogen, wordt uthgestalt XIIIII dagen om sich to verdragen und oir hofrecht to winnen.

**Pag. 585** – So Grete echte dochter seligen Wernner Stortelers und Gesken siner huisfrouwen hofhorich dem huise Brefort verschennner tadt sich ehlich bestadet an enen frien man genant Kone Wissinck, und dair na bij der vorigen Pantheren der van Isendorn tiden up ein wederwessel derselven hofhoricheit sich qwiet und lois gemaeckt, dar van der tadt segell und breve /: als men geloefflich versteet /: upgerichtet worden, die nu verlacht und in desen und verleden swinden geferlichen und wederwertigen tiden nicht tho bekomen noch tho vinden sint, dairbeneffens dan oick dat hofboick des huises Brefordt nachbrengt, dat upgemelte Grete Stortelers mit gnaden und consent des hern van ore hofhoricheit verwesselt und in oir stede angenomen und getreden sij Hermanna ten Lobecke etc.

Und dan ock upgenante selige Kone Wissinck und Grete Stortelers staender echtschap etliche kindere, nemlich Herman, Nalken, Jenneken und Wilhmken gewonnen und nagelaten hebben, deren deils wal gerne hilicken solden willen, averst

**Pag. 586** – buten hebbende vrijbrief sulches ongelegen und nicht wall doenlich, hebben sie vurgemeltes seligen Konen Wissinx und Greten Stortelers siner huisfrowen nagelaten kinderen in craft orer upgemelter seliger moder verwesselungh und vercregen vriheit und sonst deses an den erentvesten und fromen Jacob van der Capellen als itzigendes huises Brefort Amptman in statt und van wegen mins edelen lieven hern to Anholt etc. Panthern etc. afdracht verwillingungh und consent gemackt und erlangt, dat sie buten einige entgeltenisse, bespier of indracht van wegen des huises Brefort sich nu voirtan als frie lude sollen mugen keran und wenden in wat echte of rechte hen believen soll, sonder argelist. Actum den ersten dach Junii Aº 1574.

**Pag. 587** - So die vurgewesen Drosten tho Brefordt mit den walgeboren hern Joist Graven tho Holsten Schowenborch und Sternnenborch hern tho Gemen etc. ener wesselungh halven in handlung gewest, dat Anna echte dochter Dirichen und Heileken Dirckings an dem huse Gemen mit eigenhoricheit soll verwesselt werden, averst datselfige bis anher verbleven und dair van gien wesselbreve gepassirt sint worden, und dan berorte Anna mitler tadt mit twen kinderen befallen is, heft nu die Droste Jacob van der Capellen in stat und van wegen mins edelen hern to Anholt etc. Panthern etc. mit walgemelten Graven ein wesselungh gehalden, also dat der Droste vurs. siner genaden in und tot behoiff des huises Gemen dieselve Anna mit oren twen kinderen Dirick und Gert Schreven in und mit eigenhoricheit avergelaten heft gelick sie Anna van den graven van Bentem und Stenforde etc. an den huise Brefordt verwesselt ist worden und heft die Droste Capelle vurgemelt van siner Genaden dair voir in und tot behoif des huises

**Pag. 588** – Brefordt tho ener rechter wederwesselungh ontfangen in gelicker eigenhoricheit Gese Ebbings echte dochter Johan und Gebben Ebbings und gelaeft voir hem und sin nakomende Amptmans tho Brefordt deser wesselungh te staen, te waren als recht und landbrucklich ist, sonder argelist.

**Pag. 597** – Wilhm Koips in die echte gehilickt up ten gute Gussenclo und heft sich als wastinsich van den huse Anholt frij gekoft dair van hie segell und breve bijbringen sall inwendich ein maent tides bij verluis des hofrechtz und heft na den Gude Gussenclo sich hofhorich gegeven und sin hofrecht gewonnen. Gussenclo die dochter uth der echte gehilickt.

**Pag. 598** – Die edele und walgeboren her Jacob van Bronckhorst und Batenborch soen to Anholt etc. in statt und mit voir wetten siner Edelh. her vaders hern Derich van Bronckhorst und Batenborch hern to Anholt, Bannerhern to Baer und Latum, Panthern to Brefort etc. heft mit den Edelvesten Sander Drosten to Senden ein genochliche buten und wesselungh gehalden, also dat sin Edelh. hem und sinen erven avergewiset und avergegeven heft Trinen ter Dunnewick Bernt und Wibben ten Dunnewick in den kerspel Wenterswick in der buirschap Raethman echte dochter in und mit alsolcher horicheit als sie sonst lange dem huse Brefort (togedaen) und verwant gewest is, dair voir sin Edelh. van hem tot behoef des huises Brefort in wederstadungh ontfangen hebben Jenneken ten Nienhuis Gert und Nalen ten Nienhuis eeluiden echte dochter geboren van den gute Nienhuis in den kerspel van Wenterswick in der buirschap Korle in und mit solcher horicheit als sie gemelten Sander Drosten und huis Senden sonst lange togedaen und verplicht gewest is, und gelaeft demna deser wesselungh und bute ein waer to sin und warschap t doen als na deses orth landes behorlich und gewontlick is sonder argelist. actum up dach Nicolai. Nicolai Episcopi Anno XV<sup>C</sup>. LXXV

**Pag. 599** – So bij tiden des tho Brefort gewesen Drosten Jaspars van Brockheusen Derick ten Gussenclo an eine frie persone Bernt genant echte dochter Reiner Hoickinx und Heilken siner huisfrowen gehilickt gewest is, und dieselve tot sich uptoen gute Gussenclo gehalt heft doch des mishilicens und ongehorsamheit halven van berorten Drosten gescheiden und sich verdragen und sin hofrecht gewonnen und verwaret heft, Mit den bescheidt und verdrach dat Bernt sin huisfrowe vurg, frij sin und bliven sall, bij also dat einer van beiden kinderen als dat tot sin mondigen jaren gekomen is, na den hofgude Gussenclo sich hofhorich geven solde, widern inhols dair van gegeven segel und breve und dan nu Derick ten Gussenclo vurs. gestorven is und Wilhm Koips ein frij man an gedachte Bernt nagelaten wedwe seligen Derix vurs. weder gehilickt und tot hoir up den goede Gussenclo getogen is sonder an dem huse Brefort des afdracht gedaen to hebben, so heft hie Wilhm Koips vurs. derselven ongehorsamheit

**Pag. 600** – und mishilicens halven sich van den Edelen und walgeboren hern Jacob van Bronckhorst und Batenborch Soen to Anholt, in statt siner Edelh. her Vaders als Panthern etc., mit siner Edelh. voir wetten und verwilligungh verdragen und afdracht gedaen und sich voirt na den hofgude Gussenclo hofhorich gegeven des hofrechten gelick andere des huises Brefort hofhorige luide to geneten und to misgelden, und ist mede verdragen und bewillet dat Bernt sin huisfrowe frij sall bliven, und so sie bij oren voornman Derick vurs. twe kinder gewonnen heft und dan dieselen aflivich worden und verstorven, sall alsdan Wilhms und Berndt vurgemelts kinderen ener die sie nu 't samen hebben of kompstich crigen mugen tot desselven mondigen jaren sich na den gute Gussenclo dem huise Brefort hofhorich geven, und die andere ore kinderen sollen vrij bliven. Allent sonder argelis. Actum den XVI. Augusti Anno (XV<sup>C</sup>). LXXV.

**Pag. 601** - Die edele und walgeboren her Jacob van Bronckhorst und Batenborch Soen to Anholt etc. in statt und mit voir wetten und verwilligungh siner Edelh. voivaders hern Diderichs van Bronckhorst und Batenborch hern to Anholt, Bannerhern to Baer und Latum, Panthern to Brefort etc. heft Gerrit Menekinck frij, qwiet lois und ledich gegeven, gelaten und geschulden van solcher hofhoricheit dair mede hie sonst lange dem huise Brefort verplicht und verwant gewest is, und sin Edelh. hebben dair voir in ener rechter wederwesselungh ontfangen Wilhm. Koips tot behoef des huises Brefort die sich na den hofgude Gussenclo hofhorich gegeven heft, des hofrechten to genieten und tho misgelden gelick andere hofluide des huises Brefort doen, und sein Edelh. hebben demnha ergemelten Gerrit Menekinck dieser vurs. vrijlatungh gelaeft warschap to sin und t doen als deses ortes landt brucklich is, sonder argelist. actum den XVI. Augusti Anno (XV<sup>C</sup>). LXXV

**Pag. 602** - Richter Frederich Rasehorn Kornoten Gert Menekinck Johan van Alten den XVI. <sup>n</sup> Augusti A<sup>o</sup> LXXV. Gertgen echte dochter Gertz ten Nienhuis und Annen siner huisfrowe vermitz herman Evertz oren hir tho begerten und togelaten Mombar heft sich vrijwillich onbedwongen und ongedrongen voir und in stede Lisen echte dochter seligen Werner Storteler und Gesken siner huisfrowen hoffhorich dem huise Brefort gegeven des hofrechten gelick ander hofhorige vrouws personen tho geneten und misgelden.

Die Edele und walgeboren Her Jacob van Bronckhorst und Batenborch Soen to Anholt etc. in statt und van wegen siner Edelh. hern Vaders hern tho Anholt, Bannerhern to Baer und Latum Panthern to Brefort etc. heft

Liesen echte dochter Z. Wernner Stortelers und Gesken siner huisfrownen frij, qwiet, lois und ledich gelaten gegeven und geschulden van alsolcher hofhoricheit dair

**Pag. 603** – mede sie sonst lange dem huse Brefort verplicht, toegedaen und bewant gewest is, und heft dair voir und in oer stede tho ener rechter wederwesselungh tot behoef des huises Brefort in gelicker hofhoricheit entfangen Gertgen echte dochter Gertz ten Nienhuis und Annen siner huisfrouwen die sich voor Liesen vurgemelt dem huise Brefort hofhorich gegeven heft und gelaeft demnha bemelter Lisen dese vrijlatungh wie vurs. to waren und warschap t doen als recht is na deses orth landes gewonte und gebruiix sonder argelist. Actum XVI.<sup>n</sup> Augusti A<sup>o</sup> LXXV.

**Pag. 604** - Die Edele und walgeboren her Jacob van Bronckhorst und Batenborch Soen to Anholt etc. in statt und van wegen siner Edelh. hern Vaders hern tho Anholt, Bannerhern to Baer und Latum Panthern to Brefort etc. heft mit den werdigen und religiosen hern Arnoldus Praestinck Prior und gemene conventionalen des Closters groten Burlo sunt Bernhardus Ordens in dem Sticht Monster in den kerspel van Borcken gelegen ene bute und wesselungh geholden dat sin Edelh. berorten Prior und Convente avergewiset und avergegeven Agnes echte huisfrowe Herman Roirdinx mit oren kinderen Jenneken, Elisabeth, Gerrit und Susanna in solcher hofhoricheit als sie sonst lange den huise Brefort verplicht und togedaen gewest sint, und sin Edelh. hebben dair voir in und tot behoef des huises Brefort weder ontfangen van gedachten Prior und Convente grote Burlo Naelken Bernt Vockings echte huisfr mit oren kinderen Jacob, Jenneken, Hilleken und Berntken, in und mit solcker eigenhoricheit als sie sonst lange berorten

**Pag. 605** – Prior und Convente verplicht und togedaen gewest sint und desem nae gelaeft deser vurgehoirter bute und wesselungh tho waren und warschap t doen als na deses ort landes behoirlich und gewontlich is, sonder argelist. Actum XVI Augusti Anno (XV<sup>c</sup>.) LXXV.

Richter Frederick Rasehorn kornoten Johan Voirknecht, Rolof Rompes den XVII Augusti A<sup>o</sup> LXXV. Gese echte dochter Hermans ten Swartkate und Fennen siner huisfrownen durch Gert Hemkinck oren hir tho verkaren und togelaten mombar heft sich frijwillich ongedwongen und ongedrongen voor und in stede Hillen ten beitell echte dochter Wilhms ten beitell und Elske rostes siner huisfrownen hofhorich dem huise Brefort gegeven, des hofrechten gelick andere hofhorige frowespersonen des huises Brefort tho genieten und tho misgelden

**Pag. 606** - Die Edele und walgeboren her Jacob van Bronckhorst und Batenborch Soen tho Anholt etc. in statt und van wegen siner Edelh. her Vaders hern tho Anholt, Bannerhern to Baer und Latum Panthern to Brefort etc. heft hillen ten beitell echte dochter Wilhms ten beitel und Elske rostes siner huisfrownen frij, quiet, lois und ledich gelaten gegeven und geschulden van solcher hofhoricheit dair mede sie sonst lange dem huise Brefort verplicht und bewant gewest is, und heft dair voir und in oer stede tho ener rechter wederwesselungh in und tot behoef des huises Brefort ontfangen Gese echte dochter Hermans ten Swartkate und Fennen siner huisfrownen, die sich voor Hillen vurgemelt dem huise Brefort hofhorich gegeven heft und gelaeft demna berorter Hillen deser verlatungh tho waren und warschap t doen als na deses orth landes gebrucklich und recht is, sonder argelist. Actum die ut supra.

**Pag. 607** – Also Gertgen echte dochter Johan Sijmmelits und Stinen siner huisfrownen frijwillich onbedwongen und ongedrongen durch Arnt Gesinck oren man und hir tho begerten und togelaten mombar na den hofgude Gesinck gelegen in den kerspell winterswick in der buirschap Medeho dem huise Brefort sich hofhorich gegeven heft des hofrechten tho geneten und tho misgelden als andere desselven huises Brefort hofhorige frowes personen doen etc. Demna heft die edel und walgeboren her Jacob van Bronckhorst und Batenborch Soen tho Anholt, in statt und mit vorwetten und beliefniss siner Edelh. hern Vaders hern tho Anholt etc. als Panthern tho Brefort etc. dairtegens verwilliget und is verdragen, dat angerorter Arndt Gesinx und Gertgen siner huisfrouwen vurs. kinderen weder soll frij sin in statt siner moder in aller mathen und gestalt als die moder voor hen eer sie sich hofhorich gegeven heft gewest is, sonder argelist. Actum die ut supra.

**Pag. 608** – Richter Frederick Rasehorn Kornoten Johan Laerberch hartlief Welinck, den XXVI. Aprilis A<sup>o</sup> LXXVI. Nalken echte dochter Johans ten Kreill unnd Lotten siner huisfrouwen, heft mit consent und verwilligungh Gerdts Schulten Berninckhof oren man und insonderheit oren hir to verkaren mombar sich uth orer vriheit dem huisse Brefort na den hofgude Berninckhof vrijwillich ongedwongen und ongedrongen hofhorich gegeven des hofrechten gelick andere hofhorige frowes personen to geneten und to misgelden, des soll ein ongenompt kindt so van en beiden geboren soll werden in oir Nalckens der moder stede, welchem believen soll weder vrij werden, sin und bliven.

**Pag. 609** - Richter Frederick Rasehorn Cornoten Johan Laerberch Hartlief Welinck, den XXVI. Aprilis A<sup>o</sup> 76. Mechtelt echte dochter Bernts van Reken und Asselen siner huisfrownen heft sich durch und vermitz Johan Wissinck hir to oren verkaren und togelaten Mombar frijwillich ongedwongen und ongedrongen mit oiren rijpen voirbedachten beraedt dem huise Brefordt hofhorich gegeven des hofrechten to geneten und to misgelden als

andere des huises vurs. hofhorige frouwes personen doen. Hir voir heft min Edler her in statt sins her vaders Nalen echte dochter Z. Wernner Stortelers und Gesken siner huisfrowen van orer hofhoricheit vrij, quiet lois und ledich gelaten.

**Pag. 610** - Die Edele und walgeboren heer Jacob van Bronckhorst und Batenborch Soen to Anholt etc. in statt und van wegen siner Edelh. her Vaders hern tot Anholt, Bannerhern to Baer und Latum Panthern to Brefordt etc. heft Nalen echte dochter seligen Wernner Stortelers und Gesken siner huisfrowen frij, qwiet, lois und ledich gelaten und gegeven van solcher hofhoricheit dair mede sie sonst lange dem huise Brefort verplicht und bewandt gewest is, und heft dair voir und in oir stede to ener rechter wederwesselungh in und tot behoef des huises Brefordt in gelicker hofhoricheit ontfangen Mechtelt echte dochter Bernts van Reken und Assele siner huisfrowen, die sich voir Nalen vurs. dem huise Brefort hofhorich gegeven heft und gelaeft demna berorter Nalen deser verlatungh warschap to sin und 't doen als na deses orth landes behoirlich und gebrücklich is, beholtlick dat Nalkens dochter Gesken soll den huise Brefordt hofhorich bliven, allent sonder argelist. Actum 26 Aprilis Aº (15)76

**Pag. 611** – Richter Friederich Rasehorn Cornoten Johan Rotgers Johan van Loen, den XXVI. Aprilis Aº LXXVI. Wendele echte dochter Gertz ten Gantenfordt und Deven siner huisfrouwen, heft sich mit consent und verwilligungh Herman Luten oirs echten mans und hir to insonderheit verkaren und togelaten mombar, heft frijwillich ongedwongen und ongedrongen dem huise Brefordt na den erff und gude Luten huis sich hofhorich gegeven des hofrechten gelick andere des huises Brefordt hofhorige personen to geneten und to misgelden, und heft min Edel heer dair voir Deven echte dochter seligen Johans Luten und Annen siner huisfrowen van der hofhoricheit vrijgelaten.

Die Edele und walgeboren heer Jacob van Bronckhorst und Batenborch Soen tot Anholt etc. in statt siner Edelh. her vaders etc. heft Deven echte dochter Johans Luten und Annen siner huisfrowen frij, qwiet, lois und ledich gelaten und geschulden van solcher hofhoricheit dair mede sie

**Pag. 612** - dem huise Brefort sonst lange verplicht und bewant gewest is, und heft dair voir und in oir stede to ener rechter wederwesselunge ontfangen tot behoif des huises Brefordt in gelicker hofhoricheit Wendelen echte dochter seligen Gertz ten Gantenfordt und Deven siner huisfrouwen, die sich na den hofgude Luten huis dem huise Brefort hofhorich gegeven heft und hebben sin Edelh. demna gelaeft gedachten Deven deser vurs. vrheit und qwietscheldungh warschap to sin und 't doen als na deses ort landes behoirlich und gebrücklich is sonder argelist.

**Pag. 613** –Richter Frederich Rasehorn Cornoten Johan Dienbert Gisbert Grevinck den derden maj Aº LXXVI. Stine echte dochter Bernt hijnx unnd wichmodt siner huisfrowen heft sich vermitz wessel Distelbrinck hir to oren verkaren und togelaten mombar frijwillich ungenodiget und ungedrongen dem huise Brefordt hofhorich gegeven na den hoff to Miste des hofrechten to geneten und to misgelden als andere hofhorige desselven hoefs frouwespersonen.

Hir voir heft min Edler heer Liesken echte dochter Frerix ten Voirde und Liesbet siner huisfrowen van orer hofhoricheit vrij, quiet, lois und ledich gelaten, beholticken dat oir kindt dem huise Brefort hofhorich (sin) und bliven soll.

**Pag. 614** - Die Edele und walgeboren heer Jacob van Bronckhorst und Batenborch Soen tot Anholt etc. in statt siner Edelh. her vaders hern Derich van Bronckhorst und batenborch tot Anholt, bannerher to Baer und Latum, Panther to Brefort etc. heft Liesken echte dochter Frerix ten foirde und Liesbet siner huisfrowen vrij, qwiet, lois und ledich geschulden und gelaten van solcher hofhoricheit dair mede sie sonst lange dem huise Brefort verplicht und togedan gewest is, also dat sie nu vort mehr sich soll mugen kerend wenden in wat echte und rechte hoir believen soll und hebben sin Edelh. dair voir und in oir stede in und tot behoif des huises Brefordt to ener wederwesselungh ontfangen in gelicker hofhoricheit Stinen echte dochter Bernt Higinx und wichmoit siner huisfrowen, die sich voir Liesken vurs. dem huise Brefoort hofhorich gegeven heft und gelaeft demna berorter Liesken der vurs. vrijlatunge warschap 't doen als na deses orth landes gebrücklich is und behoren soll, beholticken dat oir kindt dem huse Brefort hofhorich sin und bliven soll sonnder argelist. Actum III. Maij Aº LXXVI.

**Pag. 615** – Richter Frederick Rasehorn, Kornoten Johan Holsten, Wilhm Hartlief, Gert Smit den viften Junii Aº LXXVI.

Bele ter Maten vermitz Johan Ruwbroick oren man und hir to verkaren togelaten mombar heft sich uth orer angeborner vrijheit frijwillich ungedwongen und ungedrongen dem huise Brefordt hofhorich gegeven des hofrechten to genieten und to misgelden als andere hofhorige frowespersonen doen.

Hier voir soll Nalken echte dochter seligen Gert Peppinx und Mechtelt siner huisfrowen orer hofhoricheit vrij und lois sin und bliven.

**Pag. 616** - Die Edele und walgeboren heer Jacob van Bronckhorst und Batenborch Soen tot Anholt etc. in statt siner Edelh. her vaders Derich van Bronckhorst und Batenborch hern tot Anholt, Bannerhern to Baer und Latum, Panthern to Brefort etc. heft Nalken echte dochter seligen Gert Peppinx und Mechtelt siner huisfrowen vrij, qwiet, lois und ledich gelaten und geschulden van solcher hofhoricheit dair mede sie sonst lange dem huise Brefort verpligt und bewant gewest is, also dat sie nu voirt mher sich soll mugen keren und wenden und geven in wat echte und rechte hoir gelieven soll und sin Edelh. hebben dair voir und in oir stede in gelicker hofhoricheit tot behoif des huses Brefordt to ener wederwesselungh ontfangen Belen ter Maten die sich mit und durch Johan Ruwenbroick oren man und hir to verkaren und togelaten mombar mit consent und willen desselven voir Nalcken vurs. dem huise Brefoort hofhorich gegeven heft und hebben sin Edelh. demna gemelter Nalken deser vrijlatungh vurs. warschap to sin und 't doen gelaeft als na deses orth landes gebruiklich is und behoren soll, sonder argelist. Actum viften Junii Aº LXXVI.

**Pag. 617** – (1576) Nale echte dochter Gerth Vortwis uth der echte gehilket ahn Dries Naberinck tijnsich up dem huise tho Anholt begerth sich tho verdragen.

Jenneken tho Leemkamp avermits dat isj uth der echte gehilickt is ahn Gerth Wassinck die ongenade bij den heren afgedaen also dat sij und ohre kijnder des hofrechten geniten und misgelden sollen, und heft ohr was betaelt.

**Pag. 619** – (1576) Arndt Gesinck Gertken sin huisfr vor ohr mishilicens uth rechte van den heren sich verdragen und sich hofhorich gegeven. debent piper, cooram et ocreas et juditii suum salarium.

**Pag. 633** – Richter Frederich Rasehorn Kornoten Hartlief Welinck Johan Rotgers den XVII Maij Aº LXXVII. Johan ten Bumenfelde heft uth sinen frien willen onbedwongen und ongedrongen sich dem huise Brefordt hofhorich gegeven des hofrechten gelick als andere des huses Brefort hofhorige mans to genieten und to misgelden, dairtegens min Edeler her Jacob van Bronckhorst und Batenborch Soen und Jonckher to Anholt etc. in statt sines her vaders, Bernt ter Voirtwisch und Lisen siner huisfrowen echten Soen van der hofhoricheit dair mit Bernt vurs. dem huise Brefort sonst lange togedaen und verplicht gewest is verlaten, vrij, qwiet, lois und ledich gegeven heft.

Stine ten Haicke echte huisfrowe Johans ten Bumenfelde heft mit bewilligungh und authoriteit deselven oren mans Johans vurs. vrijwillich ongedwongen und ongedrongen uth orer angebornner vriheit sich dem huise Brefordt hofhorich gegeven des hofrechten nu voirtmehr gelick andere des huses Brefort hofhorige vrouwes personen to geneten und to misgelden dair voir min Edeler her Jacob van Bronckhorst und Batenborch

**Pag. 634** - in statt sines her vaders heft Jenneken ten gronde echte dochter Johans ten gronde und Deven siner huisfrowen vrij gegeven und des hofrechten verlaten, dair mit Jenneken vurs. sonst lange dem huise Brefort verplicht und togedaen gewest is.

**Pag. 635** – Ick Jacob van Bronckhorst und Batenborch Soen und Joncker tot Anholt etc. do kundt und bekenne dat ick in stadt mins her vaders des walgeboren und Edeler hern Diderichs van Bronckhorst und Batenborch hern to Anholt, bannerhern to Baer und Latum, Panthern to Brefordt etc. hebbe vrij, qwiet, lois und ledich gelaten und geschulden, vrij, quiet, lois und ledich schelde und late in craft dieses briefs Bernt ter Voirtwisch Frederichs ten Voirtwisch und Lisen siner huisfrowen echten soen van alsolcher hofhoricheit dairmit Bernt vurs. sonst lange dem huise Brefordt verwant togedaen und verplicht gewest, also dat hie nu voirtan sich soll mugen keren und wenden in wat echte of rechte hem believen soll und hebbe dairvoir und in Bernts vurs. stede tot behoif des huses Brefordt to ener wederwesselungh ontfangen Johan ten Bumenfelde die sich voir Bernde vurs. dem huise Brefort inholt des hofboicks hofhorich gegeven heft, und gelave desem nae berorten Bernt ter Voirtwisch deser siner qwietgelatenen hofhoricheit und vercregener vriheit ene waer to sin und waerschap t doen als na deses orth landes behorlich und gebruiklichis sonder argelist. des in oircondt der warheit hebbe ick min Segel an desen brief gehangen den 18. Maij Aº 1577

**Pag. 636** - Ick Jacob van Bronckhorst und Batenborch Soen und Joncker to Anholt etc. do kundt und bekenne dat ick in stadt mins her vaders des walgeboren und edlen hern Diderichs van Bronckhorst und Batenborch hern to Anholt, bannerhern to Baer und Latum, Panthern to Brefordt etc. hebbe vrij, quiet, lois und ledich gelaten und geschulden, vrij, quiet, lois und ledich schelde en late in craft deses briefs Jenneken ten gronde echte dochter Johans ten gronde und Deven siner huisfrowen van alsolcher hofhoricheit dairmit sie Jenneken vurs. dem huise Brefordt verwant sonst lange verplicht und verwandt gewest is, also dat sie nu voirtan sich soll mugen keren und wenden in wat echte of rechte hoir gelieven soll und so ick in Jennekens vurs. stede to ener wederwesselungh tot

behoef des huises Brefordt in gelicker hofhoricheit ontfangen hebbe Stinen ten haicke echte huisfrouwe Johans ten Bumenfelde, die sich bij verwillungh und autoriteit desselven oirs mans Johans vurs. dem huise Brefort inholt des hofboicks hofhorich gegeven heft gelave ick desem nach, berorter Jenneken deser orer qwietscheldungh und vrijlatungh ein waer to sin und waerschap t doen als na deses orth landes gebrücklich is sonder argelist.

Actum XVIII. Maij A<sup>o</sup> (XV<sup>C</sup>) LXVII.

**Pag. 637** – Richter Frederich Rasehorn Kornoten Hartlief Welinck, Herman Teben den VII. Octobris A<sup>o</sup> LXXVII. Hinrica echte dochter Johans ten bumenfelt und stinen siner huisfrouwen in bijwesen derselver ores vaders und moders vurs. heft sich mit derselver consen, wetten und belieffnisse, vermitz denselven oren vader hir to verkaren uind togelaten mombar vrijwillich, ongedwongen und ongedrongen dem huise Brefordt hofhorich gegeven des hofrechten gelick andere des huises Brefordt hofhorige frowes personen to geneten und to misgelden dair voir min edler heer Jacob van Bronckhorst und Batenborch Soen und Jonckher tot Anholt etc. in statt siner Edelh. her vaders van hofhoricheit vrij und qriet gelaten heft Metten Higinx echte dochter Hinrich Higinx und Metten siner huisfrouwen.

**Pag. 638** - Die walgeboren und edeler heer Jacob van Bronckhorst und Batenborch Soen und Jonckher tot Anholt etc. in statt sines her vaders etc. heft vrij, quiet, lois und ledich gelaten und geschulden Metten Higinx echte dochter Henrich Higinx und Metten siner huisfrouwen, van alsolcher hofhoricheit dairmit sie dem huise Brefort sonst lange verplicht und verwant gewest is, also dat sie nu voirt an sich soll mugen keren und wenden in wat echte off rechte hoir beleven soll und hebben sin Edelh. in Metten vurs. stede dair voir und in oir stede to ener wederwesselungh tot behoef des huises Brefordt ontfangen Hinricken echte dochter Johans ten Bumenfelt und Stinen siner huisfrouwen, die sich in bijwesen und mit consent und autoriteit derselver ores vaders und moders vermitz denselven oren vader hir to oren verkaren und togelaten mombar vrijwillich dem huise Brefordt inholt des hofboicks hofhorich gegeven heft und hebben sin Edelh. demna gelaeft berorter Metten Higinx derselver orer verlatener horicheit und vercregner vriheit een waer te sin und waerschap t doen als na deses orth landes behorlich und gebrücklich is. Actum den achten Octobris A<sup>o</sup> (XV<sup>C</sup>) LXXVII.

**Pag. 648** – Richter Frederich Rasehorn Cornoten Herman Toben Gerth Smith den X<sup>n</sup> Martij A<sup>o</sup> 78 Mechtelt echte dochter Jaspar Arinx und Nale siner huisfrouwen, heft in bijwesen oers mans Bernt Mensinck mit denselven consent und belieffnisse und oren hir to verkaren und togelaten mombar sich vrijwillich ongedwongen und ongedrongen na den gude Mensinck dem huise Breforth hofhorich gegeven des hofrechten gelick andere des huises Brefordt hofhorige frowes personen to genieten und tho misgelden, daernaer mijn Edelen her Jacob van Bronckhorst und Batenborch hern und Soen tot Anholt etc. in statt sines Edelh. hern vatters Bernde Mensinx suster Jenneken Mensinck orer hofhoricheit daermde sie sus lange dem huise Breforth verplicht gewest vrij und qwijt geschulden und gelaten heft.

**Pag. 649** – Richter Frederich Rasehorn Cornoten Rutger Lijffers Lambert Glaesmaker den 22<sup>n</sup> Decembris A<sup>o</sup> (XV<sup>C</sup>) LXXVIII

Gertgen Tijlmans wonhaftich bij Brulinck zu Sutloen heft vermits Claes van Lochum oeren begerten und hier to gelaeten Mombar friewillich ongedwongen und ongedrongen dem huise Bredefortt hoffhorich gegeven des havesrechten als andere hoffhorigen vrouwen personen desselvigen huijzen tho genijetten undt mijsgelden, daer voir der Edeler welgeborner heer Jacob van Brunckhorst und Battenburch heer tott Anholt, Bair und Lathum, Pantheer tott Bredefortt etc. Anna echte dochter Derick Mensinck und Stijna sijner huisfrouwen orer hoffhoricheit daermde sij sus lange dem huise Bredefortt verplicht und verwant gewesen frie, loss und quijt gescholden und gelaten heft, etc. also dat sie nun hinfortmher sich soll mugen kieren, wenden und gheven in wat echte und rechte oer gelieven soll sonder argelist. Hiervan is in communi forma eenen besiegelden brief gegeven worden etc.

Ick Margareta van Vorss Wedtwe van Linteloe tho der Walfart do kundt und bekenne voer mij mijnen erven in und overmitz diesen besiegelten brieve dat dweilen (= omdat) der walgebaren Jacob van Bronckhorst und Battenborch Sohn und herr tot Anholt etc. mit weten und wille seins vielgeliefften her vaders ock der wolgeboren heren Diderichs van Brunckhorst und Battenborch heren tot Anholt, Bannerheer tot Bair und Lathum Pandtheren tott Bredefortt etc. mijn vilgebiedende heren

**Pag. 650** – in krafft sijner Edelh. Pandverschrevongh frie quit ledich und loes gescholden und gelaten hefft up ein wedderwesselungh Gese und Grieten echte dochteren Meijne Meijnen op hoege Schaer Bijlen siner huisfr. noch Geesen Roers( lees: hoers) dreen kijnderen Lotken, Derixken und Mariken bij Henrich ten Slaede oeren man, gewonnen und geworven van alsulcher hofhoricheit daermde sie dem huijse Bredefortt bis anhero verplicht und verwant gewest sint etc. datt ich demna mit consent , weten wille und belieffnisse des Edlen und Erentfesten meinen gelieffte broder Herman van Lintelo als angeboren mombar mijner unmundigen kinderen bij zeligen Arndten van Lintelo mijnen geliefften ehegemahl tit seins levens gewonnen und geworven tott ener

rechter wederwesselungh wolgemelten heren tot behoeff des huises Brefort in eigenhoricheit wedder oevergegeven heb und avergeven in kraft diesen, Gesken echte huisfr. Johan Mults mit twee hoeren dochteren Metten und Elsken noch Naelken echte dochter Johan Johan Lelantz Tonnijsken Z. sinder huisfr. und Henrixken echte dochter Hinrix Bouwers z. Metten siner huisfr. in alsulcher rechter eigenhoricheit als sie suslange uns tot den huise ther Walfarrt thogedaen und verplijcht gewest sijn und gelaeve desem nae, voer mij mijne erven dieser wisselungh und avergiffit een rechte whaer tsijn sunder argelist, des in oerkonde der waerheit so ick selfs geen siegel en gebruicke heb ick voer mij, mijne erven

**Pag. 651** –mijnen christlichen namen mit eigener handt onder op spatium dis briefs gesatt und gebe den mijnen geliefften broder voers. mij mijnen erven und mede voer sich selffs als mombar opgemelt seinen siegel an diesen brief thangen, welch ich Herman van Linteloe duckgemelt uth begert meiner geliefften Suster vuirs. und als mombar vurs. gerne gedaen hebbe datum & actum den 20<sup>o</sup> Februarii A<sup>o</sup> (15)78.

Wij Jacob van Bronckhorst und Battenborch Soen und herr tot Anholt, bannerherrn tot Bair und Lathum, Pandther tot Bredefort doen kundt und bekennen vermitz diesen tegenwordigen apenen breve voer ons, onse erven und naomelingen dat wij op geburliche wederwesselungh frie quijt, loss und ledich gelaeten und geschulden hebben, schelden und laeten frie quijt und loss in craft dieses briefs Geese und Grete echte dochteren Meijne Meijnen op hoge Schaer, Bijlen sijner huisfrouwen, noch Gesen vors. drien kijnderen, Lotken, Derickxken und Mariken bij Henrich tem Slaede oeren man gewonnen und geworven van alsolcher hofhoericheit daermit sie dem huise Bredefort sus langh verwandt thogedaen und verplijcht gewest sint, also dat se nu vortan sich sullen moegen kieren und wenden , in wat echte und rechte ihnen believen soll und gelaeven wij Jacob Soen und heer vors. beruirten specificirten personen dieser oerer quitgelatener hoffhoricheit und verkregener vrijheit ein whaer t sijn und waerschap tho doen , als na dieses orts landes behorlich unnd gebruicklich is, sonder all argelist.

**Pag. 652** – dieses tho waren urkonde hebben wij Jacob van Bronckhorst und Battenborch Soen und herr tot Anholt, Bair und Lathum, Pandtherr tot Bredefort etc. unsen angebaren sieggell beneden an diesen brief wetentlich gehangen. Gegeven und geschiet in den Jaere unses lieven heren geburt vijftienhondert acht und Seventich am twintigsten dach Februarii.

**Pag. 653** – (1579) Wessel then hulsen uth der echte gehilickt und seint vertagen seuwent in den herschaftt Borculo bij Herfelde vergangen jair sich desfals op gnaden gegeven und dan solchs alsnoch nit int werck gestalt und sich der gnaden vermitz turbulente tijden, nit vergelicket, is nochmals op gnaden utgestalt und vergundt.

**Pag. 659** – Wessel tho Bockell fraeget eens Ordels nae haevens recht, dwiele her up den have Bockell ein tijt lanck Scholt gewesen und dem hoff seiner dochter Elsken oevergegeven und nu up die lijftucht van Bockel gegain, off er oeck soll moegen bueten consent des hoffheren und den principalen Scholten tot Bockell tot last desselvigen voers. haves tho Bockell dieselvige lijftucht of ein deil landes daervan versetten, beschweren ofte tho veralieniren.

Dat ordell is bestadet an Johan Scholt ten Ahoff.

Johan Scholt them Ahoff an dem dit ordel bestaedet, hefft mit beleerongh der semptliche hoffhorigen nae haves recht erkendt dat Wessel tho Buckell dweil ehr op die lijftucht trecken wurde nijt soll moegen buten consent des hoffheren oder des Prioncipalen besitter des haves dieselvige lijftucht oder ein deel landes dairvan verpanden beschweren oder veralieniren, und begert dat hirvan die utspraak umb beter erkundigungh an Tegeders des haevens tho Stadloen tho doen uthgestalt mach werden een maent tijtz alsdan die erclerongh tho doen.

**Pag. 665** – Richter Raeshorn, Cornoten M<sup>r</sup>. Johan ter Wordt, Johan van Loen den 16<sup>den</sup> februarii A<sup>o</sup> 81. Gees echte dochter Z. Kerstgen Wissincks und Liese seiner huisfr. heft vermitz Johan van Loen oeren erkaren und thogelaten mombar friewilligh ongedrongen und ongedwongen uth oere angeborner frieheit sich den huise Bredefort hoffhorich gegeven des hoffrechten nu vorthmher gelick andere des huises Bredefortt hoffhorige vrouwspersonen tho genieten und tho misgelden daeruber der wolgeborner her Jacob van Bronckhorst und Battenborch herr tot Anholt, Bannerherr tot Baer und Lathum, Pandtherr tot Bredefort etc. unser gnediger herr Dele echte dochter Thonus Willinck und Fije seiner huisfr. oer hoffhoricheit daermit sie sus langh dem huise Bredefort verplicht und verwandt gewesen, frie loss und quijt gescholden und gelaten hefft

**Pag. 665** – also dat sie nu hinfortmher sich soll mogen kieren, wenden und geven in wat echte und rechte oer gelieven soll etc. Sonder argelist. hiervan is in communi forma eenen besegelden brief gegeven werden.

Richter Rasehorn Cornoten Mr. Johan ter Wordt Herman Toebe den 25<sup>o</sup> Februarii A<sup>o</sup> 81. Deeve echte dochter Johan then Blankenborch und Merrie seiner huisfr. heft vermitz oeren voers. vader als oere mombar uth oere angebornen hebbende frieheit friewilliglick ungedrongen und ungedwongen sich dem huise Bredefortt hoffhorich gegeven des hoffrechten nu vorthmher gleich andere des huises Bredefortt hoffhorige vrouwspersonen tho genijeten und tho misgelden, daervoir der wolgeborner unser gnediger herr tot Anholt, bahr und Lathum, Panther tot Bredefort etc. Grijte echte dochter Gerick Mensinck und Stijn seiner huisfr. oer

hoffhoricheit daermit sie sus langk des huise Bredefortt verplicht und verwandt gewesen, frie loss und quijt gescholden und gelaeten hefft, als

**Pag. 666** – dat sie nu vorthmher sich soll moegen kieren, wenden und geven in watt echte und rechte oer gelieven soll etc. Sonder argelist.

To dem die hebben vors. Cornoten sich beij Merrie Johan Blankenborchs huisfr. an oere behuisongh, daer sie in den kraem gelegen versuiget und oere meiningsh vernommen und vermitz oeren voers. eheman die voers. gegevene hoffhoricheit oerer dochter Dee even ratificiert etc. sonder argelist, hiervan ist in communi forma een besiegelden brieff gegeven worden. etc.

Demnach Aº 58. up dach divisionis Apostolorum Alith dochter van Elverdinck echte huisfrouwe Gerth thoe Lintom uth oerer angeborner frieheit nae dem guitt Lintom op een geborliche wederwesselongh hoghorich gegeven, inbhalt jegenwordigen hofboicks und bis anhero die versprochene wederwesselongh nit geschiet als heft der wolgeborner her heer Jacob van Bronckhorst und Battenborch, herr tot Anholt Baer und Lathum, Pandtheer tot Bredefortt etc. unser gnediger her jetzo Griete echte dochter Gertz thoe Lintom und Alith seiner huisfr. tot eijn wederwesselongh frie gegeven, und van oerer hoffhoricheit allerdings los und ledich gescholden und verlaten und daervan under wolgeborner hern Siegell ein brieff in geburlicher formen gegeven. Geschiet dem 17<sup>den</sup> Junii Anno (15)81.

**Pag. 667** – Richter Rasehorn Cornoten Johan Tebens Herman Toeben den 17<sup>den</sup> Junii Aº 81.

Gerhardt scholt tho Bornnijnckhoff und Naell sein huisfr. vermitz Johan Holstein oren in dusser saecken mit belieffnus oers mans erkaern und thogelaten Mombaer hebben friewillichlich ungedrangen oere eheliche unmundige dochter Loth dem heuse Bredefortt hoffhorich gegeven der hoffrechten gleich andern hoffhorigen vrouwen personen tho genijten und tho misgelden daervor der wolgeborner herr Herr Jacob van Bronckhorst und Battenborch heer tot Anholt bannerheer tot Baer und Lathum, Pandherr tot Bredefort etc. unser gnedige heer Elsken echte dochter Berndt Scholt tho Bornnijnckhoff und Jenneken sein huisfr. oer hoffhoricheit daermit sie sus langh den huise Bredefortt verplicht und verwandt gewesen, frie quit loss und ledich gescholden und gelaeten hefft, also dat sie sich nu vormher in wat echte und rechte oer gelieven werdt, wenden und kiren magh.

**Pag. 668** - Wij Jacob van Bronckhorst und Battenborch heer tot Anholt, bannerheer tot Bair und Lathum, Pandherr tot Bredefortt etc. doe(n) kundt und bekennen hiermit apentlich vor uns, unsere erven und nakomelingen dat wij mit die Erwirdige Wolgeborne wirdigen wolgelerten und Erbaren Anna geborne Gravinne tho Manderscheid Blanckenheim und Virnnenborch freulein ther Schleden Probstinne und semstliche Capittularen des hochadelichen frien weltlichen Stifts Vreden ein landsedeliche wisselungh gedaen und doen hiermit in kraft dieses unsers briefs, also dat wij volgemaleten frauwen Probstinnen und sempelchen Capittularen tho eener genughsamen wisselongh avergelaten und thogestelt hebben, averlaten und thostellen hiermit uns und unses Pandthouses Bredefortt beshers hoffhorigen persoen und maegt genandt Stijn Onnekinck Z. Johan Onnekincks und Naelen seiner seiner huisfr. echte dochter geboren up den erven und guitt Onnekinck in kerspel Wenterswick und baurschap Raetman so up vorgemaleten Capittuls Guit Lieffart in jets gemelter baurschap soll bestaedett werden, daer vor und tegen wij in behoiff unsers Pandthouses Bredefort tho eener genughsamer wederwesselongh untfangen und angenommen hebben eine bishero den voers. Capitel Vreden eigen thogehorige person und maegt geheiten Druide Sibincks z. Albert Sibincks und Meinen eheluiden echte dochter geboren up Sibinck in kerspell Wenterswick und baurschap Medeho also dat vorgemaleten Stijn Onnekincks mit all dengennigen so van ihr geboren waren nae obgemelte Capittul hinwederumb gerürte Druide Sibincks mit sampt dengennigen so van oeren lieve muegen gebaren werden nach unsern Pandthuis Bredefortt nu henfernner sich richten schicken hebben und halden sullen und moeten gleich solch

**Pag. 669** – wisselens und widderwesselen recht herkommen und gewontlichen is, sonder all argelist. dieses tho waeren urkunde hebben wij Jacob van Bronckhorst und Batenborch heer tot Anholt, Bannerheer tot Bair und Lathum Pandheer tot Bredefortt etc. opgemelt unsen angebaeren Siegell vor uns, unse erven und naakomelinge wetentlich an diesen brieff hangen laeten, gegeven und geschiet in den jaer unsers Lieven heren Selichmechers geburt viiftenhondert soevenund Soeventich am 24<sup>o</sup> dach maentz Decembbris.

**Paq. 676** – Uth gicht des hoffrichters hefft sich herman tho Poelhuis urkundt hoffhorigen Gerth scholt tho Bornnijnckhoff und Johan Leverdinck den 13. Julii Aº 82. nae den haeve und guede Ahoff hoffhorich gegeven der hoffrechten des huises Bredefortt tho genijeten und tho misgelden mit gedaener gelofften dat hie dat hoffguid niet veralieniren oder baven haves rechten nit versplitten soll.

**Pag. 678** – Richter Raeshorn Cornoten Johan Tebens Johan van Loen den 27. Maij 83.

Koen Fruchtingk echte dochter Gerth Fruchtingh und Griet seiner huisfr. vermitz Wessel then Damkaette oeren erkaeren und thogelaten mombar hefft sich friewillichlich den hause Bredefortt hoffhorich gegeven gleich anderen wijbs personen die hofrechten tho genieten und tho misgelden etc. daertegen frie und quijt gelaten Gertgen echte dochter herman Rost und hijlle sein huisfrouw van alsolcher oerer hoffhoricheit daermede sie sus lange den

hause Bredefortt verplicht und verwandt gewest, also dat sie nu vormher sich sall muegen kieren, wenden und geeven in wat echte und rechte oer gelieven sall sonder argelist. hiervan is in geburlicher forme eenen besiegelden breiff gegeven werden etc.

Richter Rasehorn Cornoten Johan van Loen Gerhardt Menekinck den 29.<sup>n</sup> Maij 83.

Marie echte dochter Gert then Nienhuis unnd Annen Grevers sein huisfr. vermitz Frederich van Basten oeren gekaeren und thogelaten mombar hefft sich friewillichlich ungedrangen den hause Bredefortt hoffhorich gegeven gleich anderen wijbs personen die hoffrechten tho genijten

**Pag. 679** - und tho misgelden etc. daertegen frie loss und quijtt gelaten Gertgen echte dochter Johan Buss und Griete seiner huisfrouw van alsolcher oerer hoffhoricheit daermit sie sus langh den hause Bredefortt verplicht und verwandt gewesen, also dat sie nu vormher sich sall muegen kieren, wenden und geven in wat echte und rechte oer gelieven sall, sonder argelist. hiervan ist in communi forma eenen besiegelden brieff gegeven worden etc.

Richter Rasehorn Cornoten Mr. Johan ther wordt Gerhardt Menekinck den 10<sup>n</sup> Junii 83.

Henrich van Sauren hefft sich friewillichlich ungedrangen dem huise Bredefortt hoffhorich gegeven gleich andern mans personen die hoffrechten tho genieten und tho misgelden etc. dartegen frie und quijtt gelaeten is Johan Leverdingk echte son Warner Leverdinck und Elskens sein huisfrouw van alsolcher seiner hoffhoricheit daermit hij sus langh dem huise Bredefortt verplicht und verwandt is gewest, also dat hie nu vormher sall muegen wenden und kieren in wat echte und rechte ihm gelieven sall, sonder argelist. hiervan in communi forma eenen besiegelden gegeven worden.

**Pag. 680** – Stadholder des gerichtz Gerhardt Menekinck Cornoten Johan Teben Johan van Loen Johan Wedlingh den 27. Augusti 1583.

Henrica ther Stege hefft sich vermitz Wilhelm Roicks als oeren eheman und mombar friewillichlich ungedrangen uth oerer angeborner frieheit dem hause Bredefortt hoffhoerich gegeven gleich andern weijs personen die hoffrechten tho sullen genijeten und tho misgelden, daertegen frei loss und quijt gelaeten Stijn echte dochter Arndt Koesinck und Griete seiner huisfrouwen van alsolcher oerer hoffhoericheit daermit sie sus langh dem hause van Bredefortt verplicht und verwandt is gewest, also dat sie nu vormher sich sall mugen kieren, wenden und geven in wat echte und rechte oer gelieven sall, hiervan in communi forma eenen besiegelden brieff gegeven worden etc.

**Pag. 685** – Die Rentmr. spricht an nae haevensrecht Henrich Sijckinck und segt dat ein dochter van Bennekinck den hause van Brefordt hoffhorigh an ihm utter echt verheiradt und daerna doedes verfallen, sall derhalven schuldich sein tho oegen und tho loenen alles des geenen sie wher und weldich gewesen als sie Levendich und doedt in ihre vier paelen baeven erden gestanden, dede hij des nitt, wolde der Rentmr. in statt des heren solchs nit lieden umb 100 gl. sampt schaed mit recht, gesijnnende rechte uttungh.

Erschenen besprackter und segt datt op tijtt wie vors. in den hause gewesen 4. perden 4. kohen 4. guste Runderen, ungeferlich 8. ad 9. verken klein und groitt. Item 4. stiers die hij noetshalven verkoopen moeten, datt ein op so berndt ther wordt gekofft voor XIII. dall, dat ander par tho Borcken op S. Jurgens merckt verkofft vor 12. dall. sustinirende und bedingende dat sein kindt seins moders quit nae haevensrecht verdedingt, derhalven nit schuldich den hern daervan tho erfdeilen, oder desfals tho verdragen etc. vorbeheltlich

**Pag. 686** – wie auch den kinde allein thostendich solche 100 dall. als des kindes moder olderen und bruuederen in hielichsteur oder brautschatt tho verruichten gelaeft, darup dan 10. dall wegen eins verstorven kindts van optreckungh desselvigen tho guet gelaten, noch Henrich Sickingh bekandt hierup untfangen tho hebben 20. dall. noch ein Stoed.. angenommen voer III. dall noch ungeferlich 1. molr. haeveren und 1. dall an ein kloet holts hierup die 100. dall. untfangen.

Wes sonsten mher in den Sterffhause datmal gewesen, darup hefft hij bis up ersten gesijnnen bedenkens genommen, wilch vergunstigett.

Richter Rasehorn Cornoten Johan ther Wordt Johan Wedelingh den 14<sup>den</sup> Novembris 83.

Lubbert Hesselink echte soen Thonus Hesselink und Henrich seiner huisfrouw tegenwordich wesend heft vermitz seinen vader voers. als mombar und believen seiner moder friewillichlich uth seiner angeborner frieheit ungedrangen den hause Bredefortt hoffhoerich gegeven gleich andere Mans personen die hoffrechten tho genijeten und tho misgelden, daertegen frie quijt und loss gelaeten is Hinrich Onnekink echte son Johan Onnekink

**Pag. 687** – und Naell seiner huisfr. van alsolcher seiner hoffhoricheit daermit hij sus langh dem hause van Bredefortt verplicht und verwandt is gewest, also dat hie nu vormher sich sall moegen wenden und kieren in wat echte und rechte im gelieven sall etc. Hiervan in debita forma eenen besiegelden brieff gegeven etc.

Dweill jetzonder, leider, gott erbams ein hoge beschwer und merckliche emporungh des Viandtz verhanden also dat die arme luiden dese ambts Brefort hin und weder gefluchtet und verstreuwet, also dat jetzunder den hoffdach geenen vortganck gewijnnen kan, oek vermitz affwesen der geburlichen tegeders, als wurdt angedeuter gestalt bis wiederden bescheidt und kerckenspraect den hoffdach utgestalt, unverkort der heer und sonst eenen jederen seins hebbenden gueden rechten; Geschiet binnen Brefort op dach Divisionis Apostolorum Aº 84. vor hoffrichter FrederichRaesehorn an statt und affwesen der Tegeders hoffluiden Johan tho Boemfelt und Johan Higginck.

**Pag. 693** – Richter Sweer Raesehorn Cornoten Mr.Johan ther Wordt Johan van Loen den 11º Maji Aº 86.  
 Henrich ter Hoerne heft sich friewillichlich ungedrangen dem hause Bredefort hoffhorigh gegeven gelick andere manspersonen die hoffrechten tho genijten und tho mijsgelden, daertegen frie loss und qwit gelaeten is Frederich Meijnen echte Soen Meijne Meijnen opt hoege Schaer und Bijlen seiner huisfr. van alsolcher seiner hoffhoericheit daermitt hij sus langh dem huise van Bredefort verplicht und verwandt is gewest, also dat hie sich nu vormher soll wenden und kiren mugen in wat echte und rechte im gelieuen soll sonder argelist. Hiervan ein besiegelden brieff under meiner gnediger frowen tot Anholt pantfrow tot Bredefort etc. wedewe siegell in communi forma verfertiget.

**Pag. 694** – Actum 15. Julii 86. up dach divisionis Apostolorum.

Hoffrichter Sweer Rasehorn Tegeders Egbert Mijrdinck und weilen (=omdat!) Herman Roirdinck vermitz gar unfeilicheits halven uthelijmsch wurd dat gantzen hoffgericht uthgestalt 8. dagen alsdan tho geschien, wie nu jetzo gedaen soll hebben gewest und dweil herman Roerdinck und herman scholt thott Ahoff als Tegeders nijt erschenen und ien ordell gefragt wat dije selvige verburst, darop erkandt wie woll sie sich nit hedden vernoetschinigen , dat sie ihre hoffrecht verburst hedden, so werden sie dannoch gesatt up ein dergliche peen tott erkentnuss des gerichts.

In gleichen werdt uthgestalt den erffdach tho holden und erff utterongh tho doen wegen Thonis Schuirinck und Berndt then Kempinck genandt Thenckinck.

**Pag. 695** – Wij Gertrudt geborner van Mielendunck und Draeckenfelt frow zu Anholt Bannerfrouw tot Bair und Lathum Pandtfrouw tot Bredefort weduwe doen kundt und bekennen hiermit apentlich voer uns unsere erven und naekomelingen dat wij mit die Erwirdige wolgeborne auch wirdige wolgelerten und erbaren Maria geborne Gravijnne tho Limborch und Bronckhorst, frewlin tho Styrumb und Wijsch etc. Probstynne und sembtliche Capittularen des hochadelichen frienweltlichen Stifts Vreden ein landsedeliche wijsselungh gedaen und doen hiermit in kraft dieses unsers briefs, also dat wij wolgemelten vrouwen Probstinnen und sembtlichen Capittularen toe eener gnuichsamer wisselungh avergelaten und thogestelt hebn, averlaeten und thostellen hiermit uns und unses pandthueses Bredefortt bishero hoffhorigen person und maegt genandt Catharina echte dochter Lucken ter Dunnewick und Webbe seiner husfr. seliger gebaren up den erve und unse hoffguet Dunnewick in den kerspell van Winterswick inder burschap Raetman, daervoer und tegen wij in behoiff unsers Pandhuis Bredefort tho eener gnuchsamer wederwisselongh untfangen und angenomen hebben eine bishero den vurs. Capitell Vreden hoffhorige person und maegt geheiten Stijn echte dochter Berndt hesselinck seliger und Geesen seiner huisfr. geheilickt op vurg. uns hoffguit Dunnewick also dat vorgemelte Stijn Hesselincks mit sambt dengenigen so van oeren lijeve mugen geboren werden nae unsern Panthuis Bredefort nu henferner sich richten, schicken hebn und holden sullen und moeten, gleich solch wisselens und widderwisselens recht herkommen und gewontlich is, sonder geferde und argelist, dieses tot warer urkundt hebn wij Gertrudt geborner van Mielendonck und Draeckenfelt frou tot Anholt, Bannerfrow tot Bair und Lathum Pandtfrouw tot Bredefort, weduwe opgemelt unsen angebornen Siegell vor uns, unse erven und naekomelingen wetentlich an diesen brieff hangen laeten, Gegeven und geschiet in den jaere unsers lieven heren Selichmackers gebuerte viiftienhondert sessund tachtentich den sestinden dach maentz Julii.

**Pag. 696** – Dweilen jungstiglich dat hoffgericht bij heden den 22. Julii 86 uthgestallt hefft Sweer Raesehorn als hoffrichter tho gerichte gesetten binnen Bredefort vermitz unfeilicheits halven. Tegeders Egbert Mirdinck und Herman Rpoelhus Scholt then Ahoff.

Albert Sijmmeldinck echte Sohn herman Sijmmeldinck heft sich ungedrangen hoffhorigh gegeven dem huijse Bredefortt die hoffrechten gelijk andere hoffhorige manspersonen tho genijten und tho misgelden, sein hofrecht gewonnen, sed debet jura.

**Pag. 698** – Warner Stortelers vermitz Johan Hemmijnck sein mombar hefft sich in anwesen seiner moder Mett Koenkens hoffhorigh gegeven up den hoff Smekinck die hoffrechten gleich anderen hoffhorigen Mans tho genijten ind tho misgelden. debet jura.

**Pag. 700** – Hoffrichter Sweer Raesehorn Hoffluiden Herman Poelhus Scholt ten Ahoff und Johan Higginck den 26. Julii 86.

Demnach hoeden den erffdach wegen Thonus Schuirinck, wie imgleichen mit Berndt Kempinck genandt Tenckinck tho holden gleichfalls die hoffhorigen ihre ungnaedt afftomaeken vorbescheiden als wird ditselvigh vermitz jetzigen uproers und upseggongh der dinghale bis up gesijnnen uthgestaldt.

Wij Gertrudt geborner van Mijlendunck und Draeckenfelt frow tot Anholt Bannerfrow tot Bair und Lathum Pandtfrouw tot Bredefortt, weduwe, doen kundt und bekennen hiermit apentlich voer uns unsere erven und naekomelingen dat wij mit die werdige und religiosen hern Priors und Conventualen des Closters Nazareth genandt Schair ein landtsedeliche wijselungh gedaen und doen hiermit in kraft dieses unsers briefs, also dat wij gedachten Closter Schair tott einer gnuchsamer wijselungh aevergelaeten und thogestalt hebben, averlaten und thostellen hiermit uns und unses Pandthuises Bredefort bisher eigenhoriger persoen und maeget genandt Geesken echte dochter seliger Gerth

**Pag. 701** – Wassincks und Engell Wilterdinck seiner huijsfrouwen etc. daervoer und tegen wij in behoiff unsers Pandthuis Bredefort tho einer genughsamer wederwijselungh untfangen und angenomen hebben eine bishero den voors. Conventen Schair eigenhorige person und maegett geheiten Jenneken echte dochter Zeliger Wilhelm Deckers und Wendelle Boessinck seiner huisfrouwen etc. alsoe dat vorgemelte Geesken Wassincks mit allen der genigen so van oere gebaren werden nae obgemelten Conventh Schair, henwederumb gerute Jenneken Deckers mit sambt den genigen so van oeren lijve gebaeren werden nae unsern Panthuis Bredefortt nu henferner sich richten, schijcken hebben und holden sullen und moeten, gleich solch wijselens und wederwijselens recht herkommen und gewoontlich is, sonder geferde und argelist, dieses tot waerer urkundt hebn wij Gertrudt geborner van Mielendonck und Draeckenfelt frouw tot Anholt, Bannerfrow tot Bair und Lathum pandtfrouw tot Bredefortt, weduwe opgemelt unsern angebornen Siegel voer uns, unsere erven und naekomelingen wetentlich an diesen brieff hangen laeten, Gegeven und geschiet in den jaere unsers lieven heren Selichmeckers gebuirtt vijftienhondert soeven und tachtentich den sesten dach maentz Junii.

**Pag. 702** – Richter Sweer Rasehorn Cornoten Mr. Johan ter Wordt Johan Weddelingh Johan van Loen den 22. Junii Aº 87.

Hijnrica echte dochter derich und Geesken Eelkinck seliger herman Teiler gewesen ehefrow, vermitz Henrich Weddingh oeren in dieser saeken erkaren und thogelaeten mombar heft sich friewilliglich ungedrungen dem huijse Bredefort hoffhorich gegeven gelick andere vrouwe personen die hoffrechten tho genijten und tho misgelden, etc. etc. daertegen frie loss und qwit gelaeten is Lisken Vrijsen echte dochter Arndt Roesinck und Griete seiner huisfr. van alsolcher oerer hoffhoricheit daermit sie sus langh dem huise Bredefort verplicht und verwandt is gewest, also dat sie sich nu vormher soll wenden und kieren mugen in wat echte und rechte oer gelieven soll sonder argelist.

Krafft beiderseids geferdigte Siegell und brieven in dato 1587 den 11. Januarii is Wendelken Mirdincks echte dochter Z. Egbert Mirdincks und Stinen sein huisfrouwen an der Abdijen tott Vreden verwisselt und op Sijmmeldinck zu Medeho bestaedet worden etc. daervoer dat huis Bredefort thogestalt und angenomen worden is. Alith echte dochter Wilhelm Esselinck und Alith seiner huisfr. in gelick hoffhoricheit etc.

**Pag. 703** – Demnach hueden acht dagen op dach divisionis Apostolorum vermitz uptoer dem hoffdach bis hueden uth gestalt etc. Als ist Swer Rasehorn hoffrichter Herman Poelhuis Scholt tho Ahoff mit fragungh nabeschreven ordels erschenen Johan Mirdinck tegeder tho hoffrecht geseten den 22<sup>n</sup> Julii Aº 87.

Die Rentmr. in statt des hoffheren fragt eins ordells nae haevens recht dweil hueden tho acht dagen divisionis Apostolorum dach dat hoffgericht vermitz uptoer nit gehalden sonderen bis hueden uthgestalt und mit kerckenspraeck verkundigen laeten, hueden ein jeder die daran tho schaffen seinen dach warschouwen und oer gehorsamb tho betaelen und dan Roirt als tegeder in etliche vergangen hoffgerichten nit erschenen und nu vergangen tusschen vastelavendt und Paeschen verstorven und nu nijmandt seinentwegen erschenen, die geburende Tegeders tho verwalten, Item Mirt seinen Sohn Johan in plaes seiner gestalt und hueden nit erschenen, dardurch der hoffher mercklich geinteressirt, wes dieselvige verburt off sie nit darmit oer tegeder und hoffrecht verwirkt.

Johan Mirdinck erscheen und vorgegeven dat ehr kranckheit halven nit eher koemen kan, will daermit sein untschuldigungh vorgewandt und verdedingt hebben.

**Pag. 704** – dat ordell bestadet an Scholt tho Ahoff und hefft 14 dagen bedenckens begert und erhalten.

**Pag. 708** – Den 24<sup>n</sup> Martii Aº 88. hefft der Edler erentfester Rutger van Diepenbroick tot Tenckinck vermuugh brieff und Siegell den huis Bredefortt in hoffhoricheit avergegeven Naele echte dochter Gert then haeverkamp und Annen seiner huisfr. in der burschap Caetten wonhaft etc. dartegen frie gelaten und quijt gescholden is Gertgen echte dochter Thonus Boelinck und Jenneken seiner huisfr.

Hoffrichter Sweer Rasehorn hoff lueden Johan Mirdinck Wilhelm Bennijnck und Johan Tenckinck up dach divisionis apostolorum Aº 88. vermitz itsigen uproers van durchtrecken etliche faenreutteren bis hueden tho 14 dagen den hoffdach unverkort eins jederen seins gueden rechten uthgestalt.

Agnees vrouw tho Roerdijnck hefft presentirt oeren Sohn Gerhardt tho Roerdinck an statt seins Z. vaders Herman Roerdinck nach olden gebruijk tegeder tho sein, damit hiernegst geen verseum tho allegieren etc.

**Pag. 709** –Krafft gefertigte brief und Siegell in dato 23 n Julii Aº 88 sein Johan und Trijn Willinck broder und suster echte soen und dochter Z. Henrich Willincks und Marrie seiner huisfrouwen jegen geburliche weder wisselungh oere hoffhoricheit frie, quijtt und loss gelaeten worden etc. daertegen heft sich Albert Sijmmeldingk echte soen herman Sijmmeldinck op ein hoffdach den 22. Julii Aº 86 vermuug des hoffboecks ungedrongen hoffhorigh gegeven und sich an Gees Boelijnck bestaedet etc.

**Pag. 710** – Dweill jungstichlich dat hoffgericht bis huiden den 29. Julii Aº 88 uproers halven uthgestalt als heft Swer Rasehorn hoffrichter binnen Bredefort unfeilicheits halven tho gerichte gesetten, Tegeders Johan Mirdinck und herman Poelhuis Scholt then Ahoff. Actum ut supra den 29º Aº 88.

**Pag. 715** –(29-07-1588) Johan Wolterdinck hefft ein protestation schrift ingelacht, protestirt und bedingt wie dar in gebeden und begert dat dieselvige protocollirt werden mach, etc.

**Pag. 719** - Johan Wolterdinck hat erneuert und erwiddert sein protestation ahn 29. Julii vergangen 88. jaire schriftlich eingelacht, pitt und protestirt wie darin allenthalben gepetten und protestirt worden, etc.

**Pag. 720** – (1589) Herman Klomp sich vor den gerichte præsentirt und angegeben, dat er in loffwerdigen bericht gekommen als solden die hern van Schair hem an den huise Bredefort verwesselt hebben sonder seinen furweten deswegen sein hoffrecht bes anhero nit verwart bitt derowegen die gnade des hern, orbodich sich tho verdragen etc.

Hoffrichter Schweer Rasehorn tegeder Scholte then Ahoff Johan Mirdinck den XV. Julii Anno (15)90. Demnach Johan Mirdinck uth der echte gehilicket an Anne echte dochter Luicken und gertken Busses ahm jungsten gerichts begert die ungnade aff tho doen, und dan obgedachter Mirdinck ein wesschelbrief van onser g. frauw zu Anholdt etc. als Pandfrouwen in dato den zweiten maij Aº (15) neuntzigh passirt voirgebracht sustinerende und seggende er darmit die ungnade affgedan. hinwedderum der Rentmeister fergedragen das mit

**Pag. 721** –solchen wesschelbrief nit gnuchsam bewesen; sustinerende und infererende was sich havesrecht wegen eigen und geboiren soll dair van dat ordel an die anwesende tegeder gestalt. Ordell: Dieselbige dairup decretirt und interloquendo erkandt dweilen allein befunden die furgebrachte brief ein wessel oder permutatioun brief, aber dairmit mit dem geringsten nit bewesen die ungnade abgeschaffet sij: dat Mirdicnk solche ungnade affgemachet tho hebben tegen den negsten gerichte soll beter bijbrengen dan soll sunsten effen wal alsdan geschien was von oldes gewontlich und na desser saicken gelegenheit sich eigeit und gebuirt.

**Pag. 725** – Johan Wolterdinck weilen er voirhin ein schriftliche protestation ingelacht hefft berndt Wolterdinck abschrift begert und zeit umb dair up tegen den negsten gerichte tho handelen, datselvige hem vergunstiget. Weil Berndt Wolterdinck seinen schwager Wilhm Lutten vernotsinniget is die sacke ad proximam uthgestalt.

**Pag. 726** – folget die wesselbrief dairvan jetz meldungh geschiet.

Wir Geirtrude geborne dochter zu Milendunck freifrauw zu Anholt, bannerfrau zu Bair und Latum Pandtfrauw zu Bredefoirt, wittib etc. thon kundt und betzugen mit desem onsen offenen brief viru uns unse erben und nachkommen, demnach Greta Merdinck der herlichkeit und uns tragender pandtschap Bredefoirt mit hoffhorichkeit anhero zugethan und verpflicht gewesen so is das wir durch ihr underthainlich pitlich anhalten und ersuchen seij al sulcher dienstbarkeit und hoffhorichkeit erlassen und gefreijet haben, thon das auch hiermit und in crafft deses briefs also und dergestalt, das sein obgemelten frei gelassene ires geliebten broders Johan Merdings eheliche hausfrauwe an ire stat constituieren und sich hiervoer alsolcher hoffhorichkeit und wie hoves

**Pag. 727** – recht is gemes halten desselben auch wie andere hoffhorige geniessen und gebruichen sol, alles ohn gefehrdt und argelist, in urkundt der wairheit haben wir unsen angepornen inseigel wissentlich unden an deser brief thun hangen und unsen christlichen namen mit eigne henden underschrieben, geben Anholt ahm zweiten Maij ihm funffhundert und neuntzichsten jare.

(in marge: scripsi literas averst gien Siegel geld ontfangen.)

Ihm jair LXXXIX. den XXX. Augusti heft unse gnetige frauw frauw Geretraudt geboren dochter zu Milendonck und Draekenfeldt freifrauw tho Anholt, bannerfrauw tho bair und Latum widtwen ein wechsell geholden mit Probstin und semplich Capitul des hochadelichen freiwerlischen Stifts Vreden und tot behuiff des huises Bredfort entfangen Lubbert hesselingh Johan und Gesen Hesselinghes eheleuthen echten Sohn in den kerspel Wenterswich und buurschap Raetman geboren

**Pag. 728** – und uff den vredenschen hoffguidt hesselingh ersproten daervoir ein Ehrw: Capittuel zu Vreden weder avergewiset Berndt hembsingh zaligen Johan und Lamberten hempsings gewesenen eheleuthen echten Sohn tho gliecher hoffhoricheit.

Hoffrichter Schwer Rasehorn Tegeders Engelbert Menekinck und herman Klomp ahm 17. Aprilis Anno (15) 91. Jenneken Roekes echte frije dochter van zeligen Derick Roekes und Anne sin huisfr. geboren hefft sich mit oren frien willen und wolbedachten berade durch Lubbert Elpherdinck oiren gekaren und thogelaten mombar hoffhorich dem huise Brefort na dem hoff zu Miste gegeven des hoffrechts als andere hoffhorige personen desselven huises tho genieten und tho misgelden renuncierende oire sunst lange gehatte vrijheit:

**Pag. 729** – Wair voir unse gnetige fraw zu Anholt etc. als Pandtfrouw frij qwijt loes und ledich gelaten heft Gese tho Linthom echte dochter seligen Gert tho Lintom und Alidt seiner noch levende huisfrouw van solcher hoffhoricheit, dairmit zie dem huise Brevort sonst lange, verplichtet, verbunden, verwandt und thogedan gewesen, also dat vurgemelte Gese sich nhu voirtan kieren und wenden sal mogen in wat echte und rechte hoir lusten und believen sal. sonder argelist. etc.

Stadholder dieses hoffgerichtes Jan Tebeis an stat des hoffrichters Schwer Rasehorn tegeders Johan Mirdingh und herman Scholte zu Ahoff den 15 Julii Aº (15)91.

Up jungst den XV. Julii vergangen jair 90 gegebene decret hatt Johan Mirdingh

**Pag. 730** – ein approbation oder probationschrift van unse gnetige frauw zu Anholt etc. onder ire G. handt ingelacht: und is dairmit in vorige ..ed ein vermugh ire G. selbst schreiben supersedirt und stilgehalten. Anne Buestes hirup oir hofrecht gewonnen, debent jura.

**Pag. 733** – Dweil Wendele Pipers van den jair 81. vermits disse trubel verlopen, nit wetende off zie levendich offe dode, hefft oir Son Gert Pipers oir vernoitschiniget præsentirende die geboir zu verrichten.

**Pag. 735** – Dweilen Johan Wolterdingh gesonden van Bernt Wolterdingh up sin Jan Wolterdingh voirthin ingelachte protestationsschrift voir mugh dem jungsten genomen abscheidt tho handelen, ist amptzhalven van den Stadhalder und obgerote tegeders ihme Bernt vergunstiget /: dairmit er sich nit hebbe zu beklagen en verraschet, überilet und verschuellet / dat er aver 14. dagen sin notdrofft noch soll inbrengen und folgents nach haves recht hierin van 14. dagen tho 14. dagen soll entlich procedirt werden als sich na haves recht eignet und gebuirt.

**Pag. 736** - Hoffrichter Schwer Rasehorn tegeders herman Scholte zu Ahoff und Engelbert Menekinck ahm 29. Junii Anno (15)91

Uith sonderliche schriftliche bevhellich unsers gnetigen frauwen tho Anholt etc. onder den dato den 28. hujus blinnen Anholt gepassirt, wirdt bis zu ire g. weitere ordnungh in furgenhomen process Johan Wolterdinghs jegen und widder seinen Vetter Berndt Wolterdingh gestallet.

**Pag. 739** – Dweil Jan Eelkinck vermugh original vertoenten versiegelten brieff van dem ehrwurdigen und edelen hern Berndt van Westerholdt und

**Pag. 740** – semplichen Capitul der Collegiat kirchen zu sunt Mauritii buiten munster von allen diensten eigenthumlich, zubehorinch und verplichtungh darmit er derselbigen verwandt, erlassen und dan ernante Johan Elkingh gehillickt an Hinderichs Willingh dochter genant Deile, begert er beiij den hern die ungnade aff tho maecken.

**Pag. 741** – Die sache Jan Wolterdingh und Berndt Wolterdingh uith bevellich unsere gnetiger frauwe zu Anholt etc. uff widere ordnungh prolongirt.

Jan Elkijns van Z. Werner Elkijnck und Jenneken sein eheliche huisfr. procreert hefft voirgebracht einen loffwerdigen anschrift und

**Pag. 742** – segel unarghwonelichen brieff in dato de Aº (15)91 den 12. Octobris gepassirt daruith erfindtlich das Bernhardt van Westerholt und semplich Capitul der Collegial kirchen zu Sanct Mauritz buiten voir Munster hem freij, qwidt, ledich und lois gelassen van alsolchen diensten, eigenthumborungen und verplichtungh, darmit er gedachten Probsten und Capitul besher zugedan gewesen: und also das er up sinen frijen fuiten gestalt und hinerner na dato vurgemelten frijbrievies nach sinen gefallen sal mogen kieren und wenden. Und hefft sich nhu

freiwillich ungedwongen hoffhorich gegeven dem hause zu bredevort und na den have zu Miste des hoffrechtern tho genieten tho gelden und misgelden glich von oldes gebrücklich und gewontlich, in gewontlicher form wider extension vorbehalten. Sonder argelist.

**Pag. 747** – Wie Geretraudt geboren dochter zu Meilendonck und Draickenfeldt freifrauw zu Anholt, bannerfrau zu bair und Latum Pandtfrauwe zu Bredevoirt, wittib thuen kundt, zeugen und bekennen mit dissen unsern offenen brief voir uns unsere erben und nachkomlingen: demnach Heidenrich Droste zu Horstmar und Ahaus Drost, und Goddert

**Pag. 748** – von mairfeldt rentmeister daselbst zum Ahaus aus macht tragenden Ampts mit mir ein genoichliche landssellich wechsel gehalten und desfals von denselbigen Ampthause zu behoiff des hauses Bredevoirt in hoffhoricheit een frauwpersone Mette Konen gnant, Ditterichs und Sophien Konen brincksitteren ihm Kerspel Zutlohn auff der Horst wonhaft eheliche dochter wir untfangen haben, das wir dairvoir in glicher hoffhorchheit zu einen rechten wederwechsel obgedachten hause zum Ahaus übergeben und ubergewieset haben eine des hauses Bredevoirt eigenhorige maget Deva Mensingh genant Ditterichen Mensings und Christina seiner frauwen besitteren des guides Mensings ihm Kerspel Winterswich bauerschaft Kaeten eheliche dochter, so uff des Ampthouses Ahaus gehorigen Kotten zum Velde gnant ihm Kerspel Zutloen ehelich verheiratet is, und

**Pag. 749** – globen demnach voir uns unsere erben und nachkommen des hauses Bredevort dieser wechzelungh zu waren und rechte wairschafft zu thuene, wie man sulches na geprauch dieses orts und hoff oder landrecht zu thuin behoirt und schuldich is. disses zur warer urkundt haben wie unsfern angeboren einsiegel wissentlich onderan dissen brieff thun hangen, und christlichen nhamen mit eigener handt selbst dair under geschrieben. Actum ihm jair unsers hern funffzehn hundert neun und achtzigh ahm irsten des monats Novembris. Stilo reformato.

Nachdem den 15. jetz afflopden jairs 94 vermugh uproirs wegen dat hofgerichte bis her gesuspendirt, als sein nuh tho gerichte geseten nemlich den 22. Julii A. (15)94 Herman Scholte ten Ahoff und Jan Mirdingh.

Demnach den 15. Julii Aº 93. Hinderich van basten an stat unsere gnedigen frauwe up Johan Willing

**Pag. 750** – domals schriftliche inlage abschriftt udn tidd darup tho handelen begert und averst derselvige jetz in unsere ob und wolermelte g. frauwen dienst uitheimisch is, die sache darumb besten negsten gerichte uitgestalt.

**Pag. 753** – Die sache meiner gnetiger frauwen und kope Onnekinck avermitz der Vogt Hinderich von Basten in ire g. geschefften uitheimsch bis ten negsten ein jedern sines guiden rechtens unverkortet, uthgestalt. Die sache meiner gnetiger frauwen und Jaspar Benninck vermitz der vogt voir Wenterswich in des hern dienst, ad proximam uthgestalt.

**Pag. 754** – Die sache Johan Wolterdingh und Bernd Wolterdingh uith bevel unsere g. frauw abermals bes ten negsten uthgestalt.

**Pag. 755** – Hoffrichter Schwer Rasehorn, Tegeders Herman Schulte tho Ahoff und Jan Mirdingh 15 Julii Aº (15)95

Dweil die Stadt van Groll jetz von den Statischen Reuteran und kriegsluiden belegt, und merentheils die huisluide up den plattenlanden in den Stiffe van Munster und anderen hern gebieden mit ire beesten verwecken, is veraffscheidet dat derwegen disse sache heudt nit vortgan sal, und dat so paldt disse trubel uproer und beschwer durch godes hulp und vorschungh gestillet, al kerckensprache geschien, wanner dat gewontliche hoffgerichte solde gehalden werden, sonder argelist.

**Pag. 756** – (15 Juli 1596) Die sache tusschen die hocheit und Jan Willingh bes up wider gesinnen uthgestalt.

**Pag. 760** – (1596) Die sache mijner gnetiger vrouwen und Kope Onnekinck uthgestalt wie in anno (15)94 och geschiet.

Insgelicken tuisschen Meijnen G. frauwen unnd Jaspar Benninck.

**Pag. 761** – Ex relatione des Tegeders harmen Schult ten Ahoff gifft tho erkennen wie dat sich Willem van Luithen sich uith der echte gehilickt an eine frie persoen und dairvan een schriven van unser G. vrouwen ingebracht, dat men hem in den hoff boke mijt inteikenen solle dairvan nimpt die Rentmeister an sodanich an mijn G. vrouw tho advertiren, quibus conditionibus sulches geschiet.

Evener gestalt hefft Lambert Huininck ock ein schrivens van Ir G. ingebracht dairin begert dat men Lambert Huininck und Tonniskens sin huisfr. ock dem hoffboke mach incorporirt werden, sal ock bewis beijbrengen wat gestalt dat geschiet sij.

**Pag. 763** - Wijr Gertruidt geborne dochter zu Milendunck freifrauw tzu Anholt, bannerfrouwen zu Baer und Lathumb Pantfrauwo tho Brefort, etc. bekenne hirmijt mit offentlich, das demnach berntgen

**Pag. 764** – Hartmans unsern Pandthaus Brederfort mijt hoffhorickeit und servituit zugethaen und verplicht gewesen, wir durch guitter leut voirbit und ir underdienstlichenn anruffen alsolcher hoffhorickeit erlassen und dagegen Henrichsgen ter Beist frien standes und geburt in gemelte berntgen haertmans platz zur hoffhorickeit substituirt und angenommen haben, Dergestalt das gedachte Henderskden ter biest unser Pandthaus mit alsolcher hoffhorickeit verplicht sein soll, und berndken haertmans henferner alsulche servituten allerdings frij, loss und ledig verpleiben und gleich andere freipersonen sich soll verhalten mugen. Dis in wharen urkundt haben wijr desen brieff mit eigenen handen underschrieben und mijt unsern ange-

**Pag. 765** – bornen segel thon bekrefftigen, geschien Anholt am zechten Julii Anno (15)95 Stilo novo.

Rentmeister Dienberch brecht in ein Cedele dat Jan Willinck sich wegen dat er in die echte gehilket is, dat hie sulx mit Ir G. verdragen hat, welch jetziger Rentmeister up behach van Ir gnaden angenamen hefft und wider nicht gegeven voir die ungnade tin dall. Hijlle sin hausfrauwe,

Idem Dienberch noch ein Cedel overgegeven wie Kope Onnekinck uther echte gehilickt an Deve Grevers horich und hefft sich mijt unse gnedige frauw verdragen, hefft voir die ungenade gegeven sess

**Pag. 766** – dall. diewelcke Dienberch empfangen und Ir G. in rekenung bringen wordt welches jetziger Rentmeister insgelicken up behach van Ir G. angenomen hefft.

Wij Girtruet geborne dochter zu Meilendunck freifrauw zu Anholt, bannerfrau zu Bair und Latumb Pandtfraw zu Bredefort, wittib etc. bekennen overmitz diesen unsen offenen brieff das wir up underdienstlich ansuchen und begeren Gerts und Alheit zu Lijnthumb irer beider gezelen eheliche dochter Naele zu Lijnthumb der hoffhorickeit, daairmit sie unsern Pandthaus Bredefort verpflicht und zugethan gewesen gentzlich erlassen unnd gefriet haben, waergegen und in welche plaezte seij weder nach hoves recht ingestalt unnd substituirt Wichmut Hemkinck van berndt unnd Engele Hemkincks ehelich gezilte dochter

**Pag. 767** – unnd jetzo an herman Heitkamp verehelicht, so auch sich aus guitten frien willen zu alsolcher hoves natuir und gerechtigkeit ergeben, unnd vuriger freiheit allerdings abgethan, also das seij hinvort wie andere des hauses Bredevort hoffhorige hovesrecht gebrauchen und geniessen soll, das in wharen urkundt haben wir diesen brieff mit eigener handen onderschrieben und unser angeporner Insegell dairan wissentlich thon hangen, geschehen Anhold am achtzehenden monatstag Novembris Anno LXXXII

(15-07-1597) Die sache tuischen die hoicheit und Wilm Bennekinck up ankumpst des Vathes in Wenterswick viertien dagen uitgestalt

**Pag. 768** – und gelavet alsdan sein bewis van Ir genaden bij tho brengen.

Insgelicken mijt Jan tho Linthomb und die hoicheit viertien dage uithgestalt.

**Pag. 771** – Hinneken Fruchtinck non comparuit. hirup der rentmeister is stat des hern ein ordel van den hoffrichter und tegeders gefraget, die darup uithgesprachen und erkandt dat sie derhalven eigen erkandt is worden.